



唐律廣選乾

18
1686
1



和
1686
1-2

初唐 崔湜一 盛唐 張翥一 楊師伯一 朱長文一 韓愈六
 杜審言三 岑羲一 崔顥三 祖詠一 戴叔倫九 張繼一 楊巨源四
 沈佺期五 鄭愔二 王維九 嚴武二 苗發一 李益四 武元衡一
 宋之問三 趙彦昭二 岑參十 郭受一 韓翃三 周朴一 呂溫一
 蘇瓌一 武平一 高適六 元結一 包何二 于鵠三 陳羽一
 徐彦伯一 劉憲二 孟浩然四 張志和一 包佶二 盧宗回一 王建七
 盧懷慎一 崔日用三 李白七 張謂四 李端十 許敬一 歐陽詹一
 盧藏用一 李嶠三 王昌齡二 獨孤及八 盧倫五 朱灣五
 宗楚客一 徐安貞二 賈至一 劉長卿七 司空曙七 韋渠牟一
 邵外一 張說六 中唐 錢起三 耿湣八 權德輿五
 李邕一 綸九 李頎六 韋應物六 劉方平二 鄭絪一
 李元旦三 李暹一 萬楚二 王渙一 竇叔向一 竇常一
 馬懷素五 孫逖二 崔曙一 郎士元十 嚴維四 王表一
 薛稷一 儲光羲一 陶岷一 皇甫冉九 戎昱三 劉禹錫三
 李適五 賈曾一 盧象一 皇甫曾五 張南史二 柳宗元十二

四百六十七首

唐律廣選序

詩以唐為宗唐固作者之準的裁蓋詩辭之精者
 律又詩之精者而古人謂七言更加二字為尤難
 然則斯又其最精者也為是者就其尤難而求其
 最精無惑乎百家錯出眾音迭倡愈多而愈失真
 也唐有四變操觚之士類能知之其始也天葩未
 敷大羹未調元氣可襲也其盛也體賅氣完茂以
 加矣軌度可則也中迺聲格稍緩體裁稍別然其
 風調瀏瀏猶為匠門之高手也晚則卑弱欠力其
 細已甚無完篇無全格然其援物寓興取境寄意
 猶為摸索知唐摘句則可也余故於始盛十舉其

18

九中五取其三晚則三存其一而杜工部之具美
以有全家茲不并錄白香山之鉅帙以類作體取
之甚勤或難余子之論四唐信覈矣獨其選不止
於始盛而下及中晚葛稚川叙上林諸品萬年金
明布護館藥而含栳柴柰之屬亦列於下方意何
居意何居曰否否冰栳雪梨人所共珍亦不有者
芟者羊棗者乎使仁者見之謂之仁智者見之謂
之智是余廣選意也遂攷較舛偽付諸梓人自五
言以下各體姑俟異日續圖云崇禎甲戌季夏東
州山人李敏求叙

唐律廣選卷之一

初唐



大酺

杜審言

毗陵震澤九州通士女歡娛萬國同伐鼓撞鐘驚
海上新粧絃服照江東梅花落處疑殘雪柳葉開
時任好風火德雲官逢道泰天長地久屬年豐
、春日京中有懷

今年遊寓獨遊秦愁思看春不當春上林苑裡花
徒發細柳營前葉漫新公子南橋應盡興將軍西
地幾留賓寄語洛城風日道明年春色倍還人
、守歲侍宴應制

唐律一
季冬除夜接新年帝子王孫捧御筵宮闕星河低
拂樹殿庭燈燭上薰天彈絃奏節梅風入對局探
釣栢酒傳欲向正元歌萬壽暫留歡賞寄春前

古意呈補闕喬知之

沈佺期

盧家少婦鬱金堂海燕雙栖玳瑁梁九月寒砧催
木葉十年征戍憶遼陽白狼河北音書斷丹鳳城
南秋夜長誰謂含愁獨不見更教明月照流黃

龍池篇

龍池躍龍龍已飛龍德先天天不違池開天漢分
黃道龍向天門入紫微邱第樓臺多氣色君王鳧
鴈有光輝爲報寰中百川水來朝此地莫東歸

興慶池侍宴應制

碧水澄潭映遠空紫雲香駕御微風漢家宮闕疑
天上秦地山川似鏡中向浦迴舟萍已綠分林蔽
殿槿初紅古來徒羨橫汾賞今日宸遊聖藻雄

奉和幸安樂公主山莊應制

皇家貴主好神仙別業初開雲漢邊山出盡如鳴
鳳嶺池成不讓飲龍川粧樓翠幌教春住舞閣金
鋪借日懸敬從乘輿來此地稱觴獻壽樂鈞天

奉和幸太平公主南莊應制

主家山第早春歸御輦春遊繞翠微買地鋪金曾
作埽尋河取石舊支機雲間樹色千花滿竹裏泉

聲百道飛自有神仙鳴鳳曲併將歌舞報春暉

奉和聖製春日幸望春宮應制

芳郊綠樹散春晴複道離宮烟霧生楊柳千條花
欲綻蒲萄百丈蔓初繁林香酒氣元相入鳥轉歌
聲各自成是日風光牽宿醉來晨復得幸昆明

奉和立春遊苑迎春應制

東郊暫轉迎春仗上苑初飛行慶杯風射鮫米千
片斷氣衝魚鱗九關開林中覓草纔生蕙殿裡爭
花併是梅歌吹樹恩歸路晚棲鳥半下鳳城來

幸香山寺應制

南山奕奕通丹禁北闕峨峨連翠雲嶺上樓臺千

地起城中鐘鼓四天聞旃檀曉閣金輿度鸚鵡晴
林綵旆分願以醍醐參聖酒還將祗苑當秋汾

幸紅樓苑應制

紅樓疑見白毫光寺逼宸居福盛唐支遁愛山情
漫切曇摩泛海路空長經聲夜息聞天語爐氣晨
飄接御香誰謂此中難可到自憐深院得徂翔

再入道場紀事應制

南方歸去再生天內殿今年異昔年見闢乾坤新
定位看題日月更高懸行隨香輦登仙路坐近爐
烟講法筵自喜恩深陪侍從兩朝長在聖人前

嵩山石淙侍宴應制

金輿旦下綠雲衢彩殿晴臨碧澗隅溪水泠泠逐
行瀟山烟片片引香爐仙人六膳調神鼎玉女三
漿捧帝壺自惜汾陽紆道駕無如太室覽真圖

、 遥同社負外審言過嶺

天長地濶嶺頭分去國離家見白雲洛浦風光何
所似崇山瘴癘不堪聞南浮漲海入何處北望衡
陽鴈幾羣兩地江山萬餘里何時重謁聖明君

和上巳連寒食有懷京洛

天津御柳碧遥遥軒騎相從半夜朝行樂光輝寒
食借太平歌舞晚春饒紅粧樓下東迴輦青草洲
邊南渡橋坐見司空掃西第看君侍此落花朝

奉和人日宴大明宮賜綵縷人勝

拂旦雞鳴仙衛陳憑高龍首帝城春千官黼帳杯
前壽百福香奩勝裡人山鳥初來猶怯轉林花未
發已偷新天文正應韶光轉設報懸知用此辰

、 奉和幸太平公主南莊應制 宋之問

青門路接鳳凰臺素澹宸遊龍騎來澗草自迎春
輦合巖花應待御筵開文移北斗成天象酒近南
山作壽杯此日侍臣將石去共歡明主賜金迴

、 嵩山石淙侍宴應制

離宮秘苑勝瀛洲别有仙人洞壑幽巖邊樹色含
風冷石上泉聲帶雨秋鳥向歌筵來度曲雲依帳

殿結為樓微臣昔忝方明御今日還陪八駿遊
和趙負外桂陽橋遇佳人

江雨朝飛浥細塵陽橋花柳不勝春金鞍白馬來
從趙玉面紅粧本姓秦妬女猶憐鏡中髮侍兒堪
感路傍人蕩舟為樂非吾事自歎空閨夢寐頻

興慶池侍宴應制

蘇 瓌

金闕平明宿霧收瑤池式宴俯清流瑞鳳飛來隨
帝輦祥魚出戲躍王舟惟齊綠樹當筵密蓋轉細
荷接岸浮如臨竊比微臣懼若濟叨陪聖主遊

奉和幸興慶池戲競渡應制 徐彥伯

夾道傳呼胡翠虬天迴地轉御芳洲青潭曉靄籠

仙蹕紅嶼晴花隔綠梳香溢金環盈廣坐聲傳妓
舸匝中流羣臣相慶嘉魚樂共哂橫汾歌吹秋

奉和聖製龍池篇

盧懷慎

代邸東南龍躍泉清漪碧浪遠浮天樓臺影就波
中出日月光疑鏡裏懸鴈沼回流成舜海龜書薦
祉應堯年大川既濟慙為楫報德空思奉細涓

奉和立春遊苑迎春應制

盧藏用

天遊龍輦駐城園上苑遲光晚更新瑤臺半入黃
山路玉檻傍臨玄灞津梅香欲待歌前落蘭氣先
過酒上春華預拓臺稱獻壽願陪千畝及農辰
奉和幸安樂公主山莊應制

皇女瓊臺天漢溥星橋月宇劄山林飛蘿半拂銀
題影瀑布環流玉砌陰菊浦香隨鸚鵡泛蕭樓顏
逐鳳凰吟瑤池駐蹕思方久璧月無文興轉深

奉和幸安樂公主山莊應制 宗楚客

玉樓銀榜枕嚴城翠蓋紅旗列禁營日映層巖圖
畫色風搖雜樹管絃聲水邊重閣含飛動雲裏孤
峯類削成幸觀八龍遊閨苑無勞萬里訪蓬瀛

奉和幸太平公主南莊應制 邵升

沁園佳麗奪蓬瀛翠壁紅泉繞上京二聖忽從鸞
殿幸雙仙正下鳳樓迎花會步輦空聞出樹雜帷
宮畫裏成無路乘槎窺漢渚徒知訪卜耽君平

奉和幸太平公主南莊應制 李邕

傳聞銀漢石支機復見金輿出紫微織女橋邊烏
鵲起仙人樓上鳳凰飛流風入座飄歌扇濕水當
階濺舞衣今日還同犯牛斗乘槎共泛海潮歸

奉和幸長寧公主莊應制 李义

平陽館外有仙家沁水園中好物華地出東郊迴
日馭城臨南斗度雲車風泉韻繞幽林竹雨霰光
搖雜樹花已慶時來千億壽還言日暮九重賒

興慶池侍宴應制

神池汎濫水盈科仙躡紆徐步輦過縱棹洄泓萍
溜合開軒眺賞麥風和潭魚在藻供遊詠谷鳥含

櫻入賦歌寄語乘槎溟海客回來此地問天河
奉和人日宴大明宮賜綵縵人勝

詰旦行春上苑中憑高却下大明宮千年執象寰
儼泰七日為人慶賞隆綵鳳曾騫搖瑞雪銅烏細
轉八祥風此時朝野歡無算此歲雲天樂未窮

奉和幸安樂公主山莊應制

金輿玉輦背三條水閣山樓望九霄野外初迷七
聖道河邊忽覩二靈橋懸冰滴滴依虬箭清吹泠
泠雜鳳蕭向晚平陽歌舞合前溪更轉木蘭橈

奉和聖製春日幸望春宮應制

東城結宇瞰千尋北闕迴輿具四臨麗日祥烟承

罩罩輕萸弱草籍衣替秦商重沓雲巖近河涓滄
紆霧壑深謔接鸞鸞陪賞樂還欣魚鳥逐飛沉

奉和幸安樂公主山莊應制 韋元旦

銀河南渚帝城隅帝輦平明出九衢刻鳳螭螭凌
桂邸穿池疊石寫蓬壺瓊簫暫下鈞天樂綺綴長
懸明月珠仙榜承恩爭既醉方知朝野更歡娛

奉和聖製春日幸望春宮應制

九重樓閣半山斜四望韶陽春未賒侍蹕妍歌臨
灞浹留觴艷舞出京華危竿競捧中衛日戲馬爭
銜上苑花景色歡娛長若此承恩不醉不還家

興慶池侍宴應制

唐律一
七
滄池泚沆帝城邊殊勝昆明鑿漢年來岸旌旗疏
輦道中流簫鼓振樓船雲峯四起迎宸幄水樹千
重入御筵宴樂已深魚藻詠承恩更欲奏甘泉

奉和立春遊苑迎春應制

馬懷素

玄籥飛灰出洞房青郊迎氣肇初陽仙輿暫下宜
春花御醴行開薦壽觴映水輕苔猶隱綠綠堤弱
柳未舒黃唯有裁花飾簪鬢恒隨聖藻狎年光

奉和人日宴大明宮賜綵縷入勝

萬宇千門平旦開天容辰象列昭回三陽候節金
為勝百福迎祥玉作杯就暖風光偏著柳辭寒雪
影半藏梅何幸得參詞賦職自憐終乏馬卿才

奉和立春遊苑迎春應制

灞浹長安恒近日殷正臘月早迎新池魚戲葉仍
含凍宮女裁花已作春向苑雲起承翠幄入林風
若起青蘋年年斗柄東無限願挹瓊觴壽北辰

奉和聖製春日幸望春宮應制

綵旆瑤輿俯碧潯行春御氣發皇心搖風細柳繁
馳道映日輕花出禁林通野園亭開帟幕連堤草
樹狎衣簪認參西掖霏堯酒願沐南薰解舜琴

奉和幸安樂公主山莊應制

主家臺沼勝平陽帝幸歡娛樂未央掩映瑤窓交
極浦參差繡戶繞迴塘泉聲百處傳歌曲樹影千

唐律一
重對舞行聖酒一露何以報唯欣頌德奉時康

奉和聖製春日幸望春宮應制 薛稷

九春風景足林泉四面雲霞敞御筵花鏤黃山繡
作苑草圖玄灞錦爲川飛觴競醉心迴日走馬爭
看眼著鞭喜奉仙遊歸路遠直論行樂不言旋

奉和聖製春日幸望春宮應制 李適

玉輦金輿天上來花園四望錦屏開輕絲半拂朱
門柳細纈全披畫閣梅蝶舞飛行飄御席鶯歌度
曲繞仙盃聖詞今日光輝滿漢主秋風莫道才

奉和幸安樂公主山莊應制

平陽金榜鳳凰樓沁水銀河鸚鵡洲綵仗遙尋丹

壑裏仙輿暫幸綠亭幽前池錦石蓮花艷後嶺香
鑪桂蕊秋貴主稱鵲萬年壽還輕漢武濟汾遊

奉和幸興慶池戲競渡應制

拂露金輿丹旆轉凌晨黼帳碧池開南山削影從
雲落北澗搖光寫浪迴急舸爭標排荇度輕帆截
浦觸荷來橫汾燕鎬歡無極歌舞年年聖壽盃

奉和立春遊苑迎春應制

金輿翠輦迎嘉節御苑仙宮待獻春淑氣初銜梅
色淺條風半拂柳條新天杯慶壽齊南岳聖藻光
輝動北辰稍覺披香歌吹近龍驤薄暮下城闈

奉和人日宴大明宮恩賜綵綵人勝應制

朱城待鳳韶年至碧殿疏龍淑氣來寶帳金屏人
已帖圖花學鳥勝初栽林香近接宜春苑山翠遙
添獻壽盃向夕憑高風景麗天文垂耀象昭回

奉和聖製春日幸望春宮應制 崔湜

澹蕩春光滿曉空逍遙御輦入離宮山河眺望雲
天外臺榭參差烟霧中庭際花飛錦繡合枝間鳥
轉管絃同即此歡娛齊鎬宴唯應率舞樂薰風

奉和立春日內出絲花樹應制 岑羲

和風助律應韶年清蹕乘高入望仙花笑鶯歌迎
帝輦雲披日霽俯皇川高山近壓仙樓上北斗平
臨魏闕前一奉恩榮同鎬宴空知率舞聽薰絃

奉和聖製春日幸望春宮應制 鄭愔

晨蹕凌高轉翠旌春樓望遠背朱城忽排花上遊
天苑却坐雲邊看帝京百草香心初冒蝶千林嫩
葉始葳鶯幸同葵藿傾陽早願比盤根應候榮

奉和人日侍宴大明宮應制

瓊殿含光映早輪玉鑾嚴蹕望初晨池開凍水仙
宮麗樹發含花禁苑新佳氣徘徊籠細網殘霞浙
瀝染輕塵良時荷澤皆迎勝窮谷晞陽猶未春

奉和人日侍宴大明宮應制 趙彥昭

寶契無為屬聖人瑀輿出幸玩芳辰平樓半入南
山霧飛閣旁臨東墅春夾路穠花千樹發垂軒弱

唐律一
十
柳萬條新處處風光今出好年年願奉屬車塵

奉和幸安樂公主山莊應制

六龍齊軫御朝曦雙鷁維舟下綠池飛觀仰看雲
外聳浮橋直見海中移靈泉巧鑿天孫渚孝荀能
抽帝女枝華願一生同草樹年年歲歲樂於斯

奉和幸太平公主南莊應制

主第巖高架鵲橋天門閭闔降鸞鑣歷亂旌旗轉
雲樹參差臺榭入烟霄林間花雜平陽舞谷裡鶯
和弄玉簫已陪沁水追歡日行奉茅山訪道朝

奉和立春日內出綵花樹應制 武平一

鑿輅青旗下帝臺東郊上苑望春來黃鸝未解林

間轉紅藥先從殿裏開畫閣條風初變柳銀塘曲
水半含苔正逢睿藻光韶律更促霞觴畏景催

興慶池侍宴應制

鑾輿羽駕直城隈帳殿旌門此地開皎潔靈潭圖
日月參差畫舸結樓臺波搖岸影隨撓轉風送荷
香入酒來願奉聖情歡不極長遊雲漢幾昭回

奉和立春日內出綵花樹應制 劉憲

禁苑韶年此日歸東郊道上轉青旗柳色梅芳何
處所風前雪裏覓芳菲開水池內魚新躍剪綵花
間燕始飛欲識王遊布陽氣為觀天藻競春輝

奉和春日幸望春宮應制

暮春春日最便妍
苑裏花間列御筵
南山積翠臨城起
滙水浮光共幕連
鶯藏嫩葉歌相喚
蝶礙芳叢舞不前
歡娛節物今如此
願奉宸遊億萬年

奉和聖製春日幸望春宮應制 崔日用

東郊芳物正薰馨
素滙鳧鷖戲綠汀
鳳閣斜通平樂觀
龍旗直逼望春亭
光風搖動蘭英紫
淑氣依遲柳色青
渭浦明晨修禊事
群公傾賀水心銘

奉和立春遊苑迎春應制

乘時迎氣正
璿衡霸滙烟氛向
曉清剪綺裁紅妙
春色宮梅殿柳識
天情瑤筐綠燕先
呈瑞金縷晨雞未
學鳴聖澤陽和宜
宴樂年年捧日向
東城

奉和人日侍宴大明宮應制

新年宴樂坐東朝
鍾鼓鏗鏗大樂調
金屋瑤筐開寶勝
花箋綠筆頌春椒
曲池苔色冰前液
上苑梅香雪裡嬌
宸極此時飛聖藻
微臣竊抃預聞韶

太平公主山亭侍宴應制 李嶠

黃金瑞榜絳河隈
白玉仙輿紫禁來
碧樹青岑雲外聳
朱樓畫壁水中開
龍舟下瞰鮫人室
羽節高臨鳳女臺
遽惜歡娛歌吹晚
揮戈更却曜靈回

奉和人日宴大明宮賜綵縷人勝

鳳城景色已含韶
人日光風倍覺饒
桂吐半輪迎此夜
賞開七葉應今朝
魚猜冰凍行猶澁
鶯喜春

聲弄欲嬌愧奉登高搖綵縷欣逢御氣上丹霄

奉和幸太平公主南莊應制

主家山第接雲開天子春遊動地來羽騎參差花
外轉電旌搖曳日邊迴還將石溜調琴曲更取峯
霞入酒杯鸞輅已辭烏鵲渚蕭聲猶逸鳳凰臺

奉和喜雪應制

徐安貞

兩宮齋祭近登臨雨雪紛紛天晝陰祗為經寒無
瑞色頓教正月滿芳林蓬萊北上旌門暗花萼南
歸馬跡深自足三農歌帝力還將萬使答堯心

聞隣家理箏

北斗橫天夜欲闌愁人倚月思無端忽聞畫閣秦

箏逸知是隣家趙女彈曲成虛憶青娥斂調急遙
憐玉指寒銀鎖重關聽未闌不如眠去夢中看

奉和春日出苑矚目應令

張說

禁林豔裔發春陽春望逍遙出畫堂雨洗亭臯千
畝綠風吹梅李一園香鶴飛不去隨青管魚躍翻
來入綵航睿賞歡承天保定道文更覩日重光

舞馬千秋萬歲樂府詞

金天誕聖千秋節玉醴還分萬壽觴試聽紫騮歌
樂府何如綠驥舞華場連騫勢出魚龍變躩蹠驕
生鳥獸行歲歲相傳指樹日翩翩來伴慶雲翔

侍宴隆慶池應制

靈池月滿直城隈
黻帳天臨御路開
東沼初陽起
吐出南山曉翠
若浮來魚龍百戲
紛容與鳧鷖雙
舟較泝洄願以金隄
青草馥長承瑤水
白雲盃

三月三日詔宴定昆池

鳳凰樓下對天泉
鸚鵡洲中匝管絃
舊識平陽佳麗地
今逢上巳盛明年
舟將水動千尋日
幕共林橫兩岸煙
不降玉人觀禊飲
誰令醉舞拂賓筵

幽州新歲作

去歲荆南梅似雪
今春薊北雪如梅
共知人事何常定
且喜年華往復來
邊鎮戍歌連夜動
京城燎火徹
明開遙遙西向長安日
願作南山壽一杯

奉和聖製春日幸望春宮應制

別館芳菲上苑東
飛花澹蕩舞筵紅
城臨渭水天河靜
闕對南山雨露通
繞殿流鶯九幾樹
當蹊亂蝶許多叢
春園既醉心和樂
共識皇恩造化同

春晚省直寄內

蘇頲

直省清華接建章
向來無事日猶長
花開燕子樓鳩鵲
竹下鷓鴣繞鳳凰
內史通宵承紫誥
中人落晚愛紅粧
別離不慣無窮憶
莫誤卿卿學太常

興慶池侍宴應制

降鶴池前迴步輦
棲鸞樹杪出行宮
山光積翠遙疑逼
水態含清近若空
直視天河垂象外
俯窺京

室畫圖中皇情未使息波極日暮樓船更起風
寒食宴于中舍兄弟宅

子推山上歌龍罷定國門前結駟來始覩元昆鏘
玉至旋聞季子佩刀迴晴花處處因風起御柳條
條向日開自有長筵歡不極還持綵服詠南陔

贈彭州權別駕

雙流脉脉錦城開追饒年年往復迴祇道謠詠迎
半刺徒聞禮數揖中台黃鶯一轉春風盡斑馬長
嘶落景催莫愴分飛歧路別還當奏最掖垣來

奉和聖製春日幸望春宮應制

東望望春春可憐更逢晴日柳含烟宮中下見南

山盡城上平臨北斗懸細草偏承迴輦慶飛花故
落舞觴前宸遊對此歡無極鳥弄歌聲襍管絃

奉和人日宴大明宮賜綵綵人勝

疏龍登道切昭回建鳳旗門遶帝臺七葉仙萸承
月吐千株御柳拂烟開初年競帖宜春勝長命先
添獻壽杯是日最靈知竊幸羣心能捧大明來

奉和幸安樂公主山莊應制

駸駸羽騎歷城池帝女樓臺向晚披露簾旌旗雲
外出風迴巖岫雨中移當軒半落天河水筵筵全
低月樹枝簫鼓宸遊陪宴日和鳴雙鳳喜來儀
廣達樓下侍酺宴應制

東嶽封迴宴洛京西墉通晚會公卿樓臺絕勝宜
春花燈火還同不夜城正觀人間朝市樂忽聞天
上管絃聲酺來萬舞羣臣醉喜戴千年聖主明

奉和幸太平公主南莊應制

主第山門起灞川宸遊風景入初年鳳凰樓下交
天仗烏鵲橋邊散御筵往往花間逢綵石時時竹
裏見紅泉今朝扈蹕平陽館不羨乘槎雲漢邊

奉和聖製春日幸望春宮應制 閻朝隱

勾芒人面兩乘龍道是春神衛九重綵勝年年逢
七日醪醑歲歲滿千鍾宮梅間雪祥光遍城柳含
烟淑氣濃醉倒君前情未盡願因歌舞自為容

奉和聖製雨中春望之作應制 李愷

別館春還淑氣催三宮路轉鳳凰臺雲飛北闕輕
陰散雨歇南山積翠來御柳遙隨天仗發林花不
待曉風開已知聖澤深無限更喜年芳八耨才

詠樓前海石榴

孫逖

苦竹園南椒塢邊微香冉冉浹涓涓已悲節物同
寒鴈忍委芳心與暮蟬細路獨來當此夕清樽相
伴省他年紫雲新苑移花處不取霞裁近御筵

和張貞外自洛入京先赴長安贈韋侍御諸公

忽覩雲間數鴈迴更逢山上一花開河邊淑氣迎
芳草林下輕風待落梅秋憲府中高唱入春卿署

唐律
裡和歌來共言東閣招賢地自有西征作賦才

田家即事

儲光羲

桑柘悠悠水蘸堤晚風晴景不妨犁高機猶織卧
蚕子下坂饑逢餉籃妻杏色滿林羊酪熟麥涼浮
隴雉媒低生時樂死皆由命事在旻天迥不迷

奉和春日出苑矚目應令

賈曾

銅龍曉關問安迴金輅春遊博望開渭水晴光搖
草樹終南佳氣入樓臺招賢已從商山老托乘還
徵鄴下才臣在周南獨留滯忻逢睿藻日邊來

唐律廣選卷之一

唐律廣選卷之二

盛唐

黃鶴樓

崔顥

昔人已乘白雲去此地空餘黃鶴樓黃鶴一去不
復返白雲千載空悠悠晴川歷歷漢陽樹芳草萋
萋鸚鵡洲日暮鄉關何處是烟波江上使人愁

鴈門胡人歌

高山代郡東接燕鴈門胡人家近邊解放胡鷹逐
塞鳥能將代馬獵秋田山頭野火寒多燒霧裡孤
峯濕作烟聞道遼西無鬪戰時時醉向酒家眠

行經華陰

唐律二

宮裏太華俯咸京天外三峯削不成武帝祠前雲
欲散仙人掌上雨初晴河山北枕秦關險驛路西
連漢時平借問路傍名利客無如此處學長生

奉和賈舍人早朝大明宮之作 王維

絳幘雞人唱曉籌尚衣方進翠雲裘九天閭闔開
宮殿萬國衣冠拜冕旒日色纔臨仙掌動香烟欲
傍袞龍浮朝罷復裁五色詔珮聲歸到鳳池頭

早秋山中作

無才不敢累明時思向東溪守故籬豈厭尚平婚
嫁早却嫌陶令去官遲草間蛩響臨秋急山裡蟬
聲薄暮悲寂寞柴門人不到空林獨與白雲期

酌酒與裴迪

酌酒與君君自寬人情翻覆似波瀾白首相知猶
按劍朱門先達笑彈冠草色全經細雨濕花枝欲
動春風寒世事浮雲何足問不知高卧且加餐

和太常韋主簿溫湯寓目

漢主離宮接露臺秦川一半夕陽開青山盡是朱
旗繞碧澗翻從玉殿來新豐樹裏行人度小苑城
邊獵騎迴聞道甘泉能獻賦懸知獨有子雲才

春日與裴迪訪呂逸人不遇

桃源一面絕風塵柳市南頭訪隱淪到門不敢題
凡鳥者竹何須問主人城外青山如屋裡東家流

水入西鄰閉戶著書多歲月種松皆作老龍鱗
怒罪拜官伏感皇恩奉寄諸公

忽聞漢詔還冠冕始覺殷王解網羅日比皇明猶
自暗天齊聖壽未云多花迎喜氣皆知笑鳥識歡
心亦解歌聞道百城新佩印還來雙闕共鳴珂

勅借波王九成宮避暑

帝子遠辭丹鳳闕天書遙借翠微宮隔窓雲霧生
衣上卷幔山泉入鏡中林下水聲喧笑語巖間樹
色隱房櫳仙家未必能勝此何事吹簫向碧空

過乘如禪師蕭居士嵩丘蘭若

無着天親弟與兄嵩丘蘭若一峯晴食隨鳴磬巢

鳥下行踏空林落葉聲迸水定侵香案濕雨花應
共石林平深澗長松何所有儼然天竺古先生

送方尊師歸嵩山

仙官欲往九龍潭毛節朱幡倚石龕山壓天中半
天上洞穿江底出江南瀑布杉松常帶雨夕陽彩
翠忽成嵐借問迎來雙白鶴已曾銜嶽送蘇耽

戲贈范舍人

名儒待詔滿公車才子為郎典石渠蓮花法藏心
懸悟貝葉經文手自書楚詞共許勝揚馬梵字何
人辯魯魚故舊相望在三事願君莫厭承明廬
重酬范郎中

唐律二
何幸含香奉至尊多慙未報主人恩草木盡能酬
雨露榮枯安敢問乾坤仙郎有意憐同舍丞相無
私斷掃門揚子解朝徒自遣馮唐已老復何論

出塞作

居延城外獵天驕白草連天野火燒暮雲空磧時
驅馬秋日平原好射鵰護羌校尉朝乘障破虜將
軍夜渡遼王靶角弓珠勒馬漢家將賜霍嫫姚

觀玉芝慶雲

欲效周文歌宴錫還輕漢武樂橫汾豈如玉殿生
三秀復有銅池出五雲陌上堯搏傾北斗樓前舜
樂動南薰共歡天意同人意萬歲千秋奉聖君

奉和聖製雨中春望之作應制

渭水自縈秦甸曲黃山舊遶漢宮斜鑿輿迥出千
門柳閣道迴看上苑花雲裡帝城雙鳳闕雨中春
樹萬人家為乘陽氣行時令不是宸遊翫物華

積雨輞川莊作

積雨空林烟火遲蒸藜炊黍餉東菑漠漠水田飛
白鷺陰陰夏木轉黃鸝山中習靜觀朝槿松下清
齋折露葵野老與人爭席罷海鷗何事更相疑

送楊少府貶郴州

明到衡山與洞庭若為秋月聽猿聲愁看北渚三
湘遠惡說南風五兩輕青草瘴時過夏口白頭浪

裏出滄城長沙不久留才子賈誼何須吊屈平

酬郭給事

洞門高閣霽餘輝桃李陰陰柳絮飛禁裏踈鐘官
舍晚省中啼鳥更人稀晨搖玉珮趨金殿夕捧天
書拜瑣闈強欲從君無那老將因卧病解朝衣

勅賜百官櫻桃

芙蓉闕下會千官紫禁朱櫻出上闈總是寢園春
薦後非關御苑鳥銜殘歸鞍競帶青絲籠中使頻
傾赤玉盤飽食不須愁內熱大官還有蔗漿寒

聽百舌鳥

上蘭門外草萋萋未央宮中花裏樓亦有相隨過

御苑不知若箇向金堤八春解作千般語拂曙能
先百鳥啼萬戶千門應覺曉建章何必聽鳴雞

和王負外雪後早朝

岑參

長安雪後似春歸積素凝華連曙暉色借玉珂迷
曉騎光添銀燭晃朝衣西山落月臨天仗北闕晴
雲捧禁闈聞道仙郎歌白雪由來此曲和人稀

使君席夜送嚴河南赴長水

嬌歌急管雜青絲銀燭金杯映翠眉使君地主能
相送河尹天明坐莫辭春城月出人皆醉野戍花
深馬去遲寄聲報爾山翁道今日河南勝昔時
奉和賈至舍人早朝大明宮之作

雞鳴紫陌曙光寒
鶯轉皇洲春色闌
金闕曉鐘開萬戶
玉階仙仗擁千官
花迎劍佩星初落
柳拂旌旗露未乾
獨有鳳凰池上客
陽春一曲和皆難

赴嘉州城固縣尋求安超禪師房

滿樹枇杷冬著花
老僧相見具袈裟
漢王城北雪初霽
韓信壇西日欲斜
門外不須催五馬
林中且聽演三車
豈料巴川多勝事
為君書此報京華

九日使君席奉餞衛中丞赴長水

節使橫行西出師
鳴弓擐甲羽林兒
臺上霜風凌草木
軍中殺氣傍旌旗
預知漢將宣威日
正是胡塵欲滅時
為報使君多泛菊
更將絃管醉東籬

暮春虢州東亭送李司馬歸扶風

柳鞦鶯嬌花復殷
紅亭綠酒送君還
到來函谷愁中月
歸去磻溪夢裏山
簾前春色應須惜
世上浮名好是閑
西望鄉園腸欲斷
對君衫袖淚痕斑

西掖即事

西掖重雲開曙暉
北山疎雨點朝衣
千門柳色連青瑣
三殿花香入紫微
平明端笏陪鸞列
薄暮垂鞭信馬歸
官拙自悲頭白盡
不如巖下偃荆扉

奉和杜相公發蓋昌

相國臨戎別帝京
擁旄持節遠橫行
朝登劍閣雲隨馬
曉渡巴江雨洗兵
山花萬朶迎征蓋
川柳千

唐律二
條拂去旌暫到蜀城應計日須知明主待持衡

首春渭西呈藍田張主簿

迴風度雨渭城西細草新花踏作泥秦女峯頭雪
未盡胡公陂上日初低愁窺白髮羞微祿悔別青
山憶舊磯聞道輞川多勝事玉壺春酒正堪携

秋夕讀書幽興獻兵部李侍郎

年紀蹉跎四十強自憐頭白始為郎雨滋苔蘚侵
堦綠秋颯梧桐覆井黃驚蟬也解求高樹旅鴈還
應厭後行覽卷試穿鄰舍壁明燈何惜借餘光

送李少府貶峽中王少府貶長沙 高適

嗟君此別意何如駐馬銜杯問謫居巫峽啼猿數

行淚衡陽歸鴈幾封書青楓江上秋天遠白帝城
邊古木疎聖代即今多雨露暫時分手莫躊躇

金城北樓

北樓西望滿晴空積水連山勝畫中湍上急流聲
若箭城頭殘月勢如弓垂竿已謝磻溪老體道猶
思塞上翁為問邊庭更何處至今羌笛怨無窮

送李案少府

黃鳥翩翩揚柳垂春風送客使人悲怨別自驚千
里外論文却憶十年時雲開汶水孤帆遠路繞梁
山匹馬遲此地從來可乘興留君不住益淒其

重陽

唐律二
七
節物驚心兩鬢華東籬空繞未開花百年將半仕
三已五畝就荒天一涯豈有白衣來剝啄亦從烏
帽自歎斜真成獨坐空搔首門柳蕭蕭噪暮鴉

夜別韋司士

高館張燈酒復清夜鍾殘月鴈歸聲只言啼鳥堪
求侶無那春風欲送行黃河曲裏沙為岸白馬津
邊柳向城莫怨他鄉暫離別知君到處有逢迎

同崔司戶早春宴蓬池

同官載酒出郊圻晴日東馳鴈北飛隔岸春雲邀
翰墨傍簷垂柳報芳菲池邊轉覺虛無盡臺上偏
宜酌酌歸州縣徒勞那可度後時連騎莫相違

登萬歲樓

孟浩然

萬歲樓頭望故鄉獨令鄉思更茫茫天寒鴈度堪
垂淚日落猿啼空斷腸曲引古堤臨集浦斜分遠
岸近枯楊今朝偶見同袍友却喜家書寄八行

除夜有懷

五更鍾漏欲相催四氣推遷往復迴帳裏殘燈纔
去焰爐中香氣盡成灰漸看春逼芙蓉枕頓覺寒
銷竹葉杯守歲家家應未卧相思那得夢魂來

春情

青樓曉日珠簾映紅粉春粧寶鏡催已厭交歡憐
枕席相將遊戲遶池臺坐時衣帶縈纖草行即裙

唐集二
裾掃落梅更道明朝不重作相期共闢管絃來

登安陽城樓

縣城南面漢江流江嶂開成南雍州才子乘春來
騁望群公暇日坐銷憂樓臺晚映青山郭羅綺晴
嬌綠水洲向夕波搖明月動更疑神女弄珠遊

題東溪幽居

李白

社陵賢人清且廉東溪卜築歲將淹宅近青山同
謝眺門垂碧柳似陶潛好鳥迎春歌後院飛花送
酒舞前磬客到但知留一醉盤中祇有水精盃

鸚鵡洲

鸚鵡來過吳江水江上洲傳鸚鵡名鸚鵡西飛隴

山去芳洲之樹何青青烟開蘭葉香風暖岸夾桃
花錦浪生遷客此時徒極目長洲孤月向誰明

登金陵鳳凰臺

鳳凰臺上鳳凰遊鳳去臺空江自流吳宮花草埋
幽徑晉代衣冠成古丘三山半落青天外二水中
分白鷺洲總為浮雲能蔽日長安不見使人愁

題雍丘崔明府丹竈

羨人爲政本忘機服藥求仙事不違葉縣已泥丹
竈畢瀛洲當伴赤松歸先師有訣神將助大聖無
心火自飛九轉但能生羽翼雙鳧忽去定何依

寄崔侍御

宛溪霜夜聽猿愁去國長為不繫舟獨憐一鴈飛
南海却羨雙溪解北流高人屢解陳蕃榻過客難
登謝朓樓此處別離同落葉朝朝分散敬亭秋

送賀監歸四明應制

久辭榮祿遂初衣曾向長生說息機真訣自從茅
氏得息波寧阻洞庭歸瑤臺含霧星辰滿仙嶠浮
空島嶼微借問欲棲珠樹鶴何年却向帝城飛

別中都明府兄

吾兄詩酒繼陶君試宰中都天下聞東樓喜奉連
枝會南陌愁為落葉分城隅綠水明秋日海上青
山隔暮雲取醉不辭留夜月鴈行中斷惜離羣

登萬歲樓

王昌齡

江上巍巍萬歲樓不知經歷幾千秋年年喜見山
長在日日悲看水獨流依依何曾離暮嶺鷓鴣空
自泛寒洲誰堪登望雲烟裏向晚茫茫發旅愁

九日登高

青山遠近帶皇州霽景重陽上北樓雨歇亭臯仙
菊潤霜飛天苑御梨秋茱萸挿髮花宜壽翡翠橫
釵舞作愁謾說陶潛籬下醉何曾得見此風流

早朝大明宮呈兩省僚友

賈至

銀燭朝天紫陌長禁城春色曉蒼蒼千條弱柳垂
青瑣百轉流鶯遶建章劔佩聲隨玉墀步衣冠身

唐律二
惹御爐香共沐恩波鳳池上朝朝染翰侍君王

唐律廣選卷之二

唐律廣選卷之三

中唐

宿瑩公禪房聞梵

李頎

花宮仙梵遠微微月隱高城鐘漏稀
夜靜霜林驚落葉曉聞天籟發清機
蕭條已入寒空靜颯沓仍隨秋雨飛
始覺浮生無住著頓令心地欲歸依

題璿公山池

遠公遁跡廬山岑開山幽居祇樹林
片石孤峯窺色相清池皓月照禪心
指揮如意天花落坐卧閑房春草深
此外俗塵都不染惟餘玄度得相尋

題廬五舊居

唐律三

一

物在人亡無見期
閑庭繫馬不勝悲
總前綠竹生空地
門外青山似舊時
悵望秋天鳴墜葉
噴坑枯柳宿寒鷓
憶君淚落東流水
歲歲花開知為誰

送李回司農

知君官屬大司農
詔幸驪山職事雄
歲發金錢供御府
畫看仙掖注離宮
千巖曙雪旌門上
十月寒花輦路中
不覩聲名與文物
自傷留滯去關東

寄司勳盧貞外

流澌臘月下河陽
草色新年發建章
秦地立春傳太史
漢宮題柱憶仙郎
歸鴻欲度千門雪
侍女新添五夜香
早晚薦雄文似者
故人今已賦長楊

送魏萬之京

朝聞遊子唱離歌
昨夜微霜初度河
鴻鴈不堪愁裡聽
雲山况是客中過
關城曙色催寒近
御苑砧聲向晚多
莫見長安行樂處
空令歲月易蹉跎

送朱中舍遊江東

李嘉祐

孤村郭外送王孫
越水吳洲共爾論
野寺山邊斜有徑
漁家竹裡半開門
青楓獨映搖前浦
白鷺閑飛過遠村
若到西鄰征戰處
不堪秋草自傷魂

秋晚招隱寺茶宴送內弟闕伯均

萬畦新稻傍山村
數里深松到寺門
幸有香茶留釋子
不堪秋草送王孫
烟塵怨別唯愁隔
井邑蕭

條誰忍論莫恠臨歧獨垂淚魏舒偏念外家恩

送皇甫冉往安宜

江臯盡日唯烟水君向白田何日歸楚地薰陵連
海迥隋朝楊柳映堤稀津樓故市無行客山館荒
城閉落暉若問行人與征戰使君雙淚定沾衣

同皇甫冉登重玄閣

高閣朱欄不厭遊薰葭白水遶長洲孤雲獨鳥川
光暮萬井千山海氣秋清梵林中人轉靜夕陽城
上角偏愁誰堪遠作秦吳別離恨歸心雙淚流

題遊仙閣

仙冠輕舉竟何之薜荔緣階竹映祠甲子不知風

馭日朝昏唯見雨來時霓旌翠蓋終難遇流水青
山空所思逐客自憐雙鬢改焚香多負白雲期

暮春宜陽郡齋愁坐忽聞在劉侍御新詩

子規夜夜啼攏葉遠道逢春半是愁芳草伴人還
易老落花隨水亦東流山臨睥睨恒多雨地接瀟
湘長及秋唯羨君為周柱史手持黃紙到滄洲

京口旅泊章侍御寄書因而贈之

移家避寇逐行舟屢見南徐江水流吳越征徭非
舊日秣陵凋弊不宜秋千家閉戶無砧杵七夕何
人望斗牛祗有同時駉馬客偏題尺牘問窮愁

自蘇臺至望亭人家盡空悵然有作

南浦菰蒲覆白蘋東吳黎庶逐黃巾野棠自發空
流水江燕初歸不見人遠樹依依如送客平田渺
渺獨傷春那堪回首長洲苑烽火年年報虜塵

題武陵驛

梁宋人稀鳥自啼登艦一望倍含悽白骨半隨河
水去黃雲猶傍郡城低平陂戰地花空落舊苑春
田草未齊明主頻移虎符守幾時行縣向黔黎

送從弟永任饒州錄事

一官萬里向千溪水宿行山漁浦西日晚長烟高
岸近天寒積雪遠峯低蘆花渚裡鴻相叫苦竹叢
邊猿暗啼聞道慈親倚門待到時蘭葉正萋萋

五日觀妓

萬杪

西施謾道浣春紗碧玉今時鬪麗華眉黛奪將萱
草色羅裙妬殺石榴花新歌一曲令人艷醉舞雙
眸斂鬢斜誰道五絲能續命却令今日死君家

驄馬

金絡青驄白玉鞍長鞭紫陌野遊盤朝驅東道塵
恒滅暮到河源日未闌汗血每隨邊地苦蹄傷不
憚隴陰寒君能一飲長城窟為報天山行路難

九日登望仙臺仍呈劉明府

崔曙

漢文皇帝有高臺此日登臨曙色開三晉雲山皆
北向二陵風雨自東來關門令尹誰能識河上仙

翁去不回我欲近尋彭澤宰陶然共醉菊花杯

自叙

陶峴

匡廬舊業是誰主吳越新居安此生白髮數華歸
未得青山一望計還成鴉翻楓葉夕陽動鷺立蒼
花秋水明從此捨舟何所詣酒旗歌扇正相迎

駕幸溫泉

廬象

傳聞聖主幸新豐清蹕鳴鑿出禁中細草終朝隨
步輦垂楊幾處繞行宮千官扈從驪山北萬國來
朝渭水東此日小臣徒獻賦漢家誰復重揚雄

舜廟

張濯

古都遺廟出河汾萬代千秋仰聖君蒲坂城邊長

逝水蒼梧野外不歸雲寥寥薦設魂應在寂寂虞
篇德已聞向曉風吹庭下栢猶疑琴曲詠南薰

望薊門

祖咏

燕臺一去客心驚笙鼓喧喧漢將營萬里寒光生
積雪三邊曙色動行旌沙場烽火侵胡月海畔雲
山擁薊城少小雖非投筆吏論功還欲請長纓

寄題杜二錦江野亭

嚴武

漫向江頭把釣竿嬾眠沙草愛風端莫倚善題鸚
鵡賦何復不著鷓鴣冠腹中書籍幽時矚肘後醫
方靜處看興發會能馳駿馬終須真到使君灘

巴嶺峇杜二見憶

卧向巴山月落時
兩鄉千里夢相思
可但步兵偏愛酒
也知光祿最能詩
江頭赤葉楓
愁客籬外黃花菊
對誰跋馬望君非
一度冷猿秋鴈不勝悲

寄杜甫

郭受

新詩海內流傳久
舊德朝中屬望勞
郡邑地卑饒霧雨
江湖天闊足波濤
松花酒熟傍看醉
蓮葉舟輕自學操
春興不知凡幾首
衡陽酒價頓能高

摘井

元結

靈橘無根井有泉
世間如夢又千年
鄉園不見重歸鶴
姓字今為第幾仙
風冷露壇人悄悄
地閑荒徑草綿綿
如何躡得蘇君跡
白日霓旌擁上天

漁父

張志和

八月九月蘆花飛
南溪老人垂釣歸
秋山入簾翠滴滴
野艇依檻雲依依
却把漁竿尋小逕
閑梳鶴髮對斜暉
翻嫌四皓曾多事
出為儲皇定是非

杜侍御送貢物戲贈

張謂

銅柱朱崖道路難
伏波橫海舊登壇
越人自貢珊瑚樹
漢使何勞獬豸冠
疲馬山中愁日晚
孤舟江上畏春寒
由來此貨齋難得多
恐君王不忍看

春園家宴

南園春色正相宜
中婦同行少婦隨
竹裏登樓人
不見花間覓路鳥
先知櫻桃解結垂
簷子揚柳能

低入戶枝山簡醉來歌一曲參差笑殺郢中兒

西亭子言懷

數叢芳草在堂陰幾處閑花映竹林樹上玄猿呼
郡吏溪邊白鳥應家禽青山看景知高下流水聞
聲覺淺深官屬不令拘禮數時時緩步一相尋

別韋郎中

星軺計日赴岷峨雲樹連天阻笑歌南入洞庭隨
鴈去西過巫峽聽猿多崢嶸洲上飛黃蝶灩澦堆
邊起白波不醉郎中桑落酒教人無奈別離何

喜辱韓十四郎中書無示近詩

獨孤及

各牽于後間遊遨獨坐相思正鬱陶長跪讀書心

暫緩短章投我曲何高官情緣木知非願王事敦
人敢告勞所嘆在官成遠別徒言坑水劣容劬

酬常都縣見贈

愛君修改若修身鰥寡來歸乳雉馴堂上五絃銷
暇日邑中千室有陽春謂乘鳧舄朝天子却媿猪
肝累主入辭後讀君懷縣作定知三歲字猶新

答李滁州見寄

相逢遽歎別離牽三見江皋蕙草鮮白髮俱生
未再滄洲獨徃意何堅愁看郡內花將歇忍過山
中月屢圓終日望君休汝騎媿無堪報起予篇

同皇甫侍御齋中春望見示之作

望遠思歸心易傷况將衰髮偶年光時攀芳樹愁
花盡畫掩高齋厭日長甘比流波辭舊浦忍看新
草遍橫塘因君贈我江楓詠春思于今未易量

傷春贈遠

去水流年日並馳年光客思兩相隨咨嗟斑鬢今
承弁慙愧新荷又發池楊柳逶迤愁遠道鷓鴣啁
嘶怨南枝憶君何處同瓊樹但向春風送別離

答皇甫侍御北歸留別作

正當楚客傷春地豈是騷人道別時俱徇空名嗟
欲老况將行役料前期勞生多故應同病羸馬單
車莫自悲明日相望隔雲水解顏唯有袖中詩

早發龍沮館舟中寄徐司倉鄭司戶

沙禽相呼曙色分漁浦鳴榔十里聞正當秋風度
楚水况值遠道傷離群津頭却望後湖岸別處已
隔東山雲停矐目送北歸翼惜無瑤華持贈君

登山谷寺答皇甫侍御

梵宮香閣攀霞上天柱孤峯指掌看漢主馬蹤成
蔓草法王身相示空棺雲扶踴塔青霄庫松蔭禪
庭白日寒不見戴逵心莫展賴將新贈此琅玕

赴南中題褚少府湖上亭子

劉長卿

種田東郭傍春陂萬事無情把釣絲綠竹故侵行
徑裏青山常對卷簾時紛紛花落門空閉寂寂鶯

帝日更遲後此別君千萬里白雲流水憶佳期
送惠師遊天台因懷大師故居

翠屏瀑水知何在鳥道猿啼過幾重落日獨搖金
策去深山誰向石橋逢定攀巖下叢生桂欲買雲
中若箇峯憶想東林禪誦處寂寥惟聽舊時鐘

送靈澈上人還越中

禪客無心杖錫還沃州深處草堂閑身隨敝屨經
殘雪手綻寒衣入舊山獨向青溪依樹下空留白
日在人間那堪別後長相憶雲木蒼蒼但閉關

送陸禮倉曹西上

長安此去欲何依先達誰當薦陸機日下鳳翔雙

闕迥雪中人去二陵稀舟從故里難移棹家住寒
塘獨掩扉臨水自傷流落日贈君空有淚沾衣

送李錄事兄歸襄鄧

十年多難與君同幾處移家逐轉蓬白首相逢征
戰後青春已過亂離中行人杳杳看西月歸馬蕭
蕭向北風漢水楚雲千萬里天涯此別恨無窮

自夏口至鸚鵡洲寄元中丞

汀洲無浪復無烟楚客相思益渺然漢口夕陽斜
度鳥洞庭秋水遠連天孤城背嶺寒吹角獨戍臨
江夜泊船賈誼上書憂漢室長沙謫去古今憐

送盧侍御赴河北

謫居爲別倍傷情何事從戎獨遠行千里按圖收
故地三軍罷戰及春耕江天渺渺鴻初去漳水悠
悠草欲生莫學仲連逃海上田單空媿取聊城

送李將軍

征西諸將一如君報德誰能不顧勲身逐寒鴻來
萬里手披荒草看孤墳擒生絕漠經胡雪懷舊長
沙哭楚雲歸去蕭條灞陵上幾人耆葵李將軍

別嚴士元

春風倚棹闔閭城水國春寒陰復晴細雨濕衣看
不見閑花落地聽無聲日斜江上孤帆影草綠湖
南萬里情東道若逢相識問青袍今已誤儒生

江州重別薛柳二員外

生涯豈料承優詔世事空知學醉歌江上月明胡
鴈過淮南木落楚山多寄身且喜滄洲近顧影無
如白髮何今日龍鍾人共棄媿君猶遣慎風波

送侯中丞流康州

長江極目帶楓林匹馬孤雲不可尋遷播共知臣
道在猜讒却為主恩深轅門畫角三軍思驛路青
山萬里心北闕九重誰訴屈獨看湘水淚沾襟

登潤州萬歲樓

高樓獨上思依依極浦遙山合翠微江谷不堪頻
北望塞鴻何事又南飛丹陽古渡寒烟積瓜步空

唐卷三 十一
洲遠樹稀聞道王師猶轉戰誰能談笑解重圍

上陽宮望幸

玉輦西巡久未還春光又入上陽間萬木長承新
雨露千門空對舊河山深花寂寂宮城閉細草青
青御路閑獨見彩雲飛不盡只應來去候龍顏

觀校獵上淮西相公

龍驤校獵邵陵東野火初燒楚澤空師事黃公千
載後身騎白馬萬人中笳隨晚吹吟邊草箭沒寒
雲落塞鴻三十擁旄誰不羨周郎少小立奇功

避地江東留別淮南使院諸公

長安路絕鳥飛通萬里孤雲西復東舊業已應成

茂草餘生只是任飄蓬何辭向物開秦鏡却使他
人得楚弓此去行持一竿竹箬閑將狎釣魚翁

送孔巢父赴河南軍

江南相送隔烟波况復新秋一馬過聞道全軍征
北虜又言諸將會南河邊心冉冉鄉人絕寒色青
青戰馬多共許陳琳工奏記知君名行未蹉跎

使次安陸寄友人

新年草色遠萋萋久客將歸失路蹊暮雨不知須
口處春風已到穆陵西孤城盡日空花落三戶無
人只鳥啼君在江南相憶否門前五柳幾枝低

送于文遘明府攝豐城令

送君不復遠為心
余亦扁舟湘水陰
路逐山光何處盡
春隨草色向南深
陳蕃待客應懸榻
必賤之官獨抱琴
儻見主人論謫宦
爾來空有白頭吟

符赴嶺外留題遠公院

竹房遙閉上方幽
蒼蒼訪昔遊
內史舊山空
日暮南朝古木向
人秋天香月色同
僧室葉落猿啼傍
客舟此去搖遷明
主意白雲何事欲相留

餞王相公出牧揚州

縉雲詎比長沙遠
出牧猶承明主恩
城對寒山開畫戟
路飛秋葉轉朱轡
江潮淼淼連天望
旌旆悠悠上嶺翻
蕭索庭槐空閑閣
舊人誰到翟公門

登松江驛樓北望故園

淚盡江樓望北歸
田園已陷百重圍
平蕪萬里何人去
落日千山空鳥飛
孤舟漾漾寒潮小
極浦蒼蒼遠樹微
白鷗漁父徒相待
未掃撓搶懶息機

戲題贈二小男

異鄉流落頻生子
幾許悲歡併在身
欲並老容羞白髮
每看兒戲憶青春
未知門戶誰堪主
且免琴書別與人
何幸暮年方有後
舉家相對却沾巾

送台州李使君兼寄國清寺

露冕新承明主恩
山城別是武陵源
花間五馬時行縣
山外千峯常在門
晴江例滿春草古
寺杉

松深暮猿知到應真飛錫處因君一想已忘言
送崔使君赴壽州

列郡專城分國憂彤幃皂蓋古諸侯仲華遇主年
猶少公瑾論功位已酬草色青青迎建隼蟬聲處
處雜鳴騶千里相思如可見淮南木葉正驚秋

漢陽獻李相公

退身高卧楚城幽獨掩柴門漢水頭春草雨中行
徑沒暮山江上捲簾愁幾人猶憶孫弘閣百口同
乘范蠡舟早晚却還丞相印十年空被白雲留

獻淮南軍節度李相公

建牙吹角不聞喧三十登壇衆所尊家散萬金酬

士死身留一劍峇君息漁陽老将多迴席魯國諸
生半在門白馬翩翩春草細邵陵西去獵平原

鄭上送韋司士歸上都

前朝舊業想遺塵今日他鄉獨雨身鄭地國除為
過客杜陵家在有人蒼苔白露生三徑古木寒
蟬滿四鄰西去茫茫問歸路關河漸近淚盈巾

青溪口送人歸岳州

洞庭何處鴈南飛江羨蒼蒼客去稀帆帶夕陽千
里沒天連秋水一人歸黃花裛露開沙岸白鳥銜
魚上釣磯歧路相逢無可贈老年空有淚沾衣
送常十九歸嵩少

迢迢此恨杳無涯
楚澤高丘千里賒
歧路別時驚一葉
雲林歸處憶三花
秋天蒼翠寒飛鴈
古堞蕭條晚栗鴉
他日山中逢勝事
桃源洞裡幾人家

和樊使君登潤州城樓

山城迢遞敞高樓
露冕吹簫居上頭
春草連天隨北望
夕陽浮水共東流
江田漠漠全吳地
野樹蒼蒼故蔣州
玉絮尚為南郡客
別來何處更銷憂

登餘干古縣城

孤城上與白雲齊
萬古蕭條楚水西
官舍已空秋草綠
女墻猶在夜烏啼
平江渺渺行人遠
落日亭亭向客低
沙鳥不知陵谷變
朝來暮去弋陽溪

謫宦後卧病簡賀蘭侍郎

青春衣繡共稱宜
白首垂絲恨不違
江上幾回今夜月
鏡中無復少年時
生還北闕誰相引
老向南邦衆所悲
歲歲任他芳草綠
長沙未有定歸期

送柳使君赴袁州

宜陽出守新恩至
京口因家始願違
五柳閉門高士去
三苗按節遠人歸
月明江路聞猿斷
花暗山城見吏稀
惟有郡齋窓裡岫
朝朝空對謝玄暉

北歸偶逢洛陽鄰家李光宰

生涯心事已蹉跎
舊路依然此重過
近北始知黃葉落
向南空見白雲多
炎州日日人將老
寒渚年

年水自波華髮相逢俱若是故園秋草復如何
奉酬辛大夫喜臘月連日降雪之作

長沙耆舊拜旌麾喜見江潭積雪時柳絮三冬先
北地梅花一夜遍南枝初開窓閣寒光滿欲掩軍
城暮色遙閭里何人不相慶萬家同唱郢中詞

歲日見新曆因寄裴郎中

青陽振蟄初頒曆白首銜冤欲問天絳老更能經
幾歲賈生何事又三年愁占蕃草終難決病對椒
花倍自憐若道平分四時氣南枝為底發春偏

送子婿崔真甫歸長城

送君卮酒不成歡幼女辭家事白鸞桃葉且人誠

可詠柳花如雪若為看心憐稚齒鳴環去身媿衰
顏對玉難惆悵暮帆何處落青山無限水漫漫

喜朱拾遺承恩拜命赴任上都

詔書徵拜脫荷裳自去東山閉草堂閭闔九天通
夢籍華亭一鶴在朝行滄洲離別風烟遠青瑣幽
深漏刻長今日却迴垂釣處海鷗相見已高翔

送耿拾遺歸上都

若為天畔獨歸秦對水看山欲暮春窮海別離無
限路隔河征戰幾歸人長安萬里傳雙淚建德千
峯寄一身想到郵亭愁駐馬不堪西望見風塵
閩虞沔州將歸上都登東城寄贈

淮南搖落客心悲，湏水悠悠怨別離。
早鴈初辭舊關塞，秋風先入古城池。
腰章建隼皇恩賜，露冕臨人白髮垂。
惆悵君今先我去，漢陽耆老憶旌麾。

送皇甫曾赴上都

東遊久與故人違，西去荒涼舊路微。
秋草不生三徑處，行人獨向五陵歸。
離心日遠如流水，回首川長共落暉。
楚客豈勞傷此別，滄江欲暮自沾衣。

賦得

鸞啼燕語報新年，馬走龍飛路幾千。
家住層城臨漢苑，心隨明月到胡天。
機中錦字論長恨，樓上花枝笑獨眠。
為問元戎實車騎，何時返旆勒燕然。

量移登于越亭贈鄭校書

青青草色滿江洲，萬里傷心水自流。
越鳥豈知南國遠，江花獨向北人愁。
生涯已逐滄浪去，冤氣初逢換汗收。
何事還邀遷客醉，春風日夜待歸舟。

長沙過賈誼宅

三年謫宦此棲遲，萬古惟留楚客悲。
秋草獨尋人去後，寒林空見日斜時。
漢文有道恩猶薄，湘水無情吊豈知。
寂寂江山搖落處，憐君何事到天涯。

溫陽客舍

冬狩溫泉歲欲闌，宮城佳氣晚宜看。
湯熏仗裡千旗暖，雪照山邊萬井寒。
君門儼賦誰相達，客舍無

錢輒自安且喜禮闈秦鏡在還將妍醜報春官
送馬秀才落第歸江南

南客懷歸鄉夢頻東門悵別柳條新殷勤斗酒城
陰暮蕩漾孤舟楚水春湘竹舊斑思帝子江離初
綠怨騷人憐君此去未得意陌上愁看淚滿巾

題靈祐和尚故居

數遊翻悲有此身禪房寂寞見流塵六時行徑空
秋草幾日浮生哭故人風竹自吟遙入磬雨花隨
淚共沾巾殘經窓下依然在憶得山中問許詢
上巳日越中與鮑侍郎泛舟耶溪

蘭橈萬轉傍汀沙應接雲峯到若耶舊浦滿來移

渡口垂楊深處有人家永和春色千年在曲水鄉
心萬里賒君見漁舫時借問前洲幾路入烟花

三月李明府後亭泛舟

江南風景復如何聞道新亭更欲過處處紉蘭春
浦綠萋萋藉草遠山多壺觴須就陶彭澤時俗猶
傳晉永和更待持橈徐轉去微風落日水增波

夜宿靈臺寺寄郎士元

錢起

西日橫山含碧空東方吐月滿禪宮朝瞻雙頂青
冥上夜宿諸天色界中石潭倒影蓮花水塔院空
聞松栢風萬里故人能尚爾知君視聽我心同
贈張南史

紫泥何日到滄洲笑向東陽沈隱侯黛色青峯雲
外出穀文江水縣前流使臣自欲論公道才子非
關厭薄遊溪畔秋蘭雖可佩知君不得少停舟

和王負外晴雪早朝

紫微晴雪帶恩光繞仗偏隨鴛鷺行長信月留寧
避曉宜春花滿不飛香獨看積素凝清禁已覺輕
寒讓太陽題柱盛名兼絕唱風流誰繼漢田郎

送鍾評事應宏詞下第東歸

芳歲歸人嗟轉蓬含情回首灞陵東蛾眉不入秦
臺鏡鷓羽還驚宋國風世事悠揚春夢裏年光寂
寞旅愁中勸君稍盡離筵酒千里佳期難再同

早夏

楚狂身世恨情多似病如憂正是魔花萼敗春多
寂寞葉陰迎夏已清和鸚黃好鳥搖紅樹細白佳
人著紫羅軍旅閱詩裁不得可憐風景遣如何

送王少府遊梁

舊識相逢情更親攀歡甚少捨離頻黃綬罷來多
遠客青山何處不愁人日斜宮樹聞蟬蛻雨過關
城見月新梁國遺風重詞賦諸侯應念馬卿貧

和李負外扈駕幸溫泉宮

未央月曉度疎鐘鳳輦時巡出九重雪霽山門迎
瑞日雲開水殿候飛龍輕寒不入宮中樹佳氣常

唐律三
浮仗外峯遙羨枚臯皂仙蹕偏承霄漢渥恩濃

送裴侍御使蜀

柱史纔年四十強鬚髯玄髮羨清揚朝天繡服乘
恩貴出使星軺滿路光錦水繁華添麗藻蛾眉明
月引飛鶴多才自有雲霄望計日應追鸞鷲行

仲春宴王補闕城東小池

王孫興至幽尋好芳草春深景氣和藥院愛隨流
水入山齋喜與白雲過猶嫌巢鶴窺人遠不厭叢
花對客多醉來倚玉無餘事目送歸鴻笑復歌

山中酬楊補闕見過

日煖風恬種藥時紅泉翠壁薜蘿垂幽谿鹿過苔

還靜深樹雲來鳥不知青瑣同心多逸興春山載
酒遠相隨却慚身外牽纓冕未勝杯前倒接罹

酬趙給事相尋不遇留贈

誰憶顏生窮巷裏能勞馬跡破春苔忽看童子掃
花處始愧夕郎題鳳來斜景適隨詩興盡好風纔
送珮聲回豈無雞黍期他日惜此殘春阻綠杯

漢武出獵

漢家無事樂時邕羽獵年年出九重玉帛不朝金
闕路旌旗長繞彩霞峯且貪原獸輕黃屋寧畏漁
人犯白龍薄暮方歸長樂觀垂楊幾處綠烟濃
七盤嶺阻寇聞李端公先到南楚

日暮窮途淚滿襟雲天南望羨飛禽
阮腸暗與孤魂斷江水遙連別恨深
明月既能通憶夢青山何用隔同心
秦楚眼看成絕國相思一寄白頭吟

題嵩陽焦道士石壁

三峯花畔碧堂懸錦里真人此得仙
玉醴纔飛西蜀雨霓裳欲向大羅天
彩雲不散燒丹竈白鹿時藏種玉田
幸入桃源因去世方期丹訣一延年

樂遊原晴望上李侍郎

爽氣朝來萬里清憑高一望九愁輕
不知鳳沼霖初霽但覺堯天日轉明
四野山河通遠色千家砧杵共秋聲
遙想青雲丞相府何時開閣引書生

送李評事赴潭州使幕

湖南遠去有餘情蘋葉初齊白芷生
謾說簡書催物役遙知心賞緩王程
興過山寺先雲到嘯引江帆帶月行
幕下由來貴無事行聞談笑靜黎甍

贈闕下裴舍人

二月黃鸞飛上林春城紫禁曉陰陰
長樂鐘聲花外盡龍池柳色雨中深
陽和不散窮途恨霄漢常懸捧日心
獻賦十年猶未遇羞將白髮對華簪

送李九貶南陽

玉柱金壘醉不歡雲山驛道向東看
鴻聲斷續暮天遠柳影蕭疎秋日寒
霜降幽林露蕙若弦驚翰

苑失鷺鸞秋來回首君門阻馬上應歌行路難
送嚴維尉河南

蕙葉青青花亂開少年趨府下蓬萊甘泉未厭楊
雄賦吏道何勞賈誼才征陌獨愁飛蓋遠離筵只
惜暝鐘催欲知別後相思處願植瓊枝向柏臺

送孫十尉溫縣

飛花落絮滿河橋千里傷心送客遙不惜芸香染
黃綬惟憐鴻羽下青霄雲衢有志終驥首吏道無
媒且折腰急管繁絃催一醉頽陽不駐引征鑣

送韋信愛子歸覲

離舟解纜到斜暉春水東流燕北飛才子學詩菱

露冕棠花含笑待斑衣稍聞江樹啼猿近轉覺山
林過客稀借問還珠盈合浦何如鯉也入庭闈

宴曹王宅

賢王駟馬退朝初小苑三春帶雨餘林沼葱籠多
貴氣樓臺隱映接天居仙鷄引敵穿紅藥宮燕銜
泥落綺疏自嘆平生相識願何如今日廁應徐

幽居春暮書懷

自哂鄙夫多野性貧居數畝半臨瀛谿雲雜雨來
茅屋山雀將雛到藥欄仙籙滿床閑不厭陰符在
篋老羞看更憐童子宜春服花裡尋師指杏壇

送張負外出牧岳州

鳳凰銜詔與何人善政多才寵冠恂臺下鴛鸞爭
送遠岳陽雲樹待行春自憐黃閣知音在不厭形
憺出守頻應笑馮唐衰且拙世情相見白頭新

長信怨

長信螢來一葉秋蛾眉淚盡九重幽鳩鵲觀前明
月度芙蓉闕下絳河流鴛鴦久別難為夢鳳管遙
聞更起愁誰念昭陽夜歌舞君王玉輦正淹留

僕射陂晚望

離人到此倍堪傷陂水蘆花似故鄉身事未知何
日了馬蹄惟覺到秋忙田園牢落東歸晚道路辛
勤北去長却羨無愁是沙鳥雙雙相趁下斜陽

登劉賓客高齋

能以功成疎寵位不將心賞負雲霞林間客散孫
弘閣城上山宜綺季家蝴蝶晴連池岸草黃鸝晚
出柳園花日陪鯉也趨文苑誰道門生隔絳紗

題郎士元半日吳村別業兼呈李長官

半日吳村帶晚霞閑門高柳亂飛鴉橫雲嶺外千
重樹流水聲中一兩家愁人昨夜相思苦閨月今
年春意賒自嘆梅生頭似雪却鄰潘令縣如花

寄綦毋三

新加大邑綬仍黃遊與單車去洛陽顧眄一過丞
相府風流三接令公香南川稷稻花侵縣西嶺雲

霞色滿堂共道進賢蒙上賞者君幾歲作臺郎

過張侍御宅

丞相幕中題鳳人文章心事每相親從軍誰謂仲
宣樂入室方知顏子貧盃裡紫茶香代酒琴中綠
水靜留賓欲知別後相思意唯願瓊枝入夢頻

贈王侍御

韋應物

心同野鶴與塵遠詩似冰壺見底清府縣同趨昨
日事升沉不改故人情上陽秋晚蕭蕭雨洛水寒
來夜夜聲自嘆猶為折腰吏可憐驄馬路傍行

燕李錄事

與君十五侍皇闈曉拂爐烟上赤墀花開漢苑經

過處雪下驪山沐浴時近臣零落今猶在仙駕飄
飄不可期此日相逢思舊日一杯成喜又成悲

寓居澧上精舍寄于張二舍人

萬木叢雲出香閣西連碧澗竹林園高齋獨宿遠
山曙微霞下庭寒雀喧道心淡泊對流水生事蕭
條空掩門時憶故交那得見曉排闥闔奉明恩

自鞏洛舟行入黃河寄府縣僚友

綠水蒼山路向東東南山豁大河通寒樹依微遠
天外夕陽明滅亂流中孤村幾歲臨伊岸一鴈初
晴下朔風為報洛橋遊宦侶扁舟不繫與心同

寄李儋元錫

去年花裏逢君別，今日花開又一年。世事茫茫難
自料，春愁黯黯獨成眠。身多疾病思田里，色有流
亾愧俸錢。聞道欲來相問訊，西樓望月幾回圓。

倣中枉廬二十二書稱卧疾以詩答書

微官何事勞茲走，服藥閑眠養不才。花裏棋盤增
鳥污，枕邊書卷訝風開。故人問訊緣同病，芳月相
思阻一杯。應笑王戎成俗物，遙持麈尾獨徘徊。

山中奉寄錢起蕪簡苗發

秦系

空山歲計是胡麻，窮海無梁泛一槎。稚子唯能覓
梨栗，逸妻相共老煙霞。朗吟麗句驚巢鶴，閑閉春
風看落花。借問省中何水部，今人幾箇屬詩家。

獻薛僕射

由來那敢議輕肥，散髮行歌自采薇。逋客未能忘
野興，辟書翻遣脫荷衣。家中匹婦空相笑，池上群
鷗盡欲飛。更乞大賢容小隱，益看愚谷有光輝。

長句感恩上裴公

王渙

青衿七十榜三年，建禮含香次第遷。珠彩下連星
錯落，桂花曾對月嬋娟。玉經磨琢多成器，劍拔沉
埋更倚天。應會銜恩最深者，春來為壽拜樽前。

盍少府新除江南尉問風俗

郎士元

聞君作尉向江潭，吳越風烟到自諳。客路尋常隨
竹影，人家大抵傍山嵐。綠溪花木偏宜遠，避地衣

冠盡向南惟有夜猿啼海樹思鄉望國意難堪

送郴縣裴明府之任

白蘋楚水三湘遠芳草秦城二月初連鴈北飛看
欲盡孤舟南去意何如渡江野老思求瘼候館郴
人憶下車別後天涯何所寄故交猶有袖中書

送李敖湖南書記

憐君本與阮家同掌記能資亞相雄入楚豈忘看
淚竹泊舟應自愛江楓誠知客夢烟波裏肯厭猿
鳴夜雨中莫信衡湘書不到年年秋鴈過巴東

咸陽西樓別竇審

西樓迥起寒原上霽日遙分萬井間小苑城隅連

渭水離宮曙色近京關亭臯寂寞傷孤客雲雪蕭
條滿衆山時命如今猶未偶辭君擬欲拂衣還

送蔡上人兼寄梁負外

季月還鄉獨未能林行溪宿厭層冰尺素欲傳三
署客雪山愁送五天僧連空朔氣橫秦苑滿目寒
雲隔灞陵借問從來香積寺何時携手更同登

贈錢起秋夜宿靈臺寺見寄

石林精舍虎溪東夜扣禪扉謁遠公月在上方諸
品靜心持半偈萬緣空蒼苔古道行應遍落木寒
泉聽不窮更憶雙峯最高頂此心期與故人同

奉和杜相公益昌路作

唐律三
春半梁山正落花台衡受律向天涯南去猿聲傍
雙節西來江色遶千家風吹畫角孤城曉林映滅
眉片月斜已見廟謨能喻蜀新文更喜報京華

贈韋司直

聞君感歎二毛初舊友相依萬里餘烽火有時驚
暫定甲兵無處可安居客來吳地星霜久家在平
陵音信疎昨日風光還入戶登山臨水意何如

春宴王補闕城東別業

柳陌乍隨洲勢轉花源忽傍竹陰開能將瀑水清
入境直取流鶯送酒盃山下古松當綺席蒼前片
雨滴春苔地主同聲復同舍留歡不畏夕陽催

酬王季友題半日村別業兼呈李明府

村映寒原日已斜烟生密竹早歸鴉長候南路當
塵岫半景東隣照數家門通小徑連芳草馬飲春
泉踏淺沙欲待主人林上月還思潘令縣中花

酬張倉曹見寄兼呈韓郎中

皇甫冉

孤雲獨鶴自悠悠別後經年尚泊舟漁父置詞相
借問郎官能賦許依投折芳遠寄三春草乘興來
看萬里流莫怪社門頻乞假不堪扶病拜龍樓

奉和彭祖井

上公旌節在徐方舊井莓苔近寢堂訪古因知彭
祖宅得仙何必葛洪鄉清虛不共春池競盥漱偏

宜夏日長聞道延年如玉液欲將調鼎獻明光

秋日東郊作

閑看秋水心無事卧對寒松手自栽廬岳高僧留
偈別茅山道士寄書來燕知社日辭巢去菊為重
陽冒雨開淺薄將何稱獻納臨歧終日自遲迴

宿淮陰南樓酬常伯能

淮陰日落上南樓喬木荒城古渡頭浦外野風初
入戶窓中海月早知秋滄波一望通千里畫角三
聲起百憂佇立分宵絕來客煩君步履忽相求

送錢塘路少府赴制舉

公車待詔赴長安客裏新正阻舊歡遲日未能消

野雪晴花偏自犯江寒東溟道路通秦塞北關威
儀識漢官共許却詵工射策思策請向一枝看

送李錄事赴饒州

北人南去雪紛紛鴈叫汀沙不可聞積水長天隨
遠道荒城極浦足寒雲山從建業千峯起江至潯
陽九派分借問督郵纔弱冠府中年少不如君

酬李補闕

十年歸客但心傷三徑無人已自荒夕宿靈臺伴
煙月晨趨建禮逐衣裳偶因麋鹿隨曹草認荷鷄
鸞借末行縱有諫書猶未獻春風拂地日空長

玄元觀送李源李風還奉先華陰

此去那知道路遙寒原禁府上迢迢莫持別酒和
瓊液乍唱離歌和鳳簫遠水東流浮落景繚垣西
轉失行鑰華山秦塞長相憶無使音塵頓寂寥

使往壽州寄劉長卿

榛草荒涼村落空驅馳卒歲亦何功
蒼遠蟋蟀秋聲處處同鄉路遙知淮浦外故人多
在楚雲東日夕烟霜那可道壽陽西去水無窮

送商州杜中丞赴任

皇甫曾

安康地理接商於帝命專城總賦輿
夔分拜忽辭青瑣闥晨裝獨捧紫泥書
深山古驛分騶騎芳草雲間逐隼旗
綺皓清風千古在因君一為謝巖居

奉寄中書王舍人

腰金載筆謂承明至道安禪得此生
西掖幾年綸綍貴東山遙夜薜蘿情
風傳刻漏星河曙月上梧桐雨露清
聖主好文誰為薦閉門空賦子虛成

早朝日寄所知

長安雪後見歸鴻紫禁朝天拜舞同
曙色漸分雙闕下漏聲遙在百花中
爐烟乍起開仙仗玉珮成行引上公
共荷發生同雨露不應苗葉久從風

張芬見訪郊居作

林中雨散早涼生已有迎秋促織聲
三徑荒蕪羞對客十年衰老愧稱兄
愁心自惜江籬晚世事方

看木槿榮君若罷官携手去尋山莫計白雲程

秋夕寄懷素上人

已見槿花朝委露獨悲孤鶴在人羣真僧出世心
無事靜夜名香手自焚窓臨絕澗聞流水客至孤
峯掃白雲更想清晨誦經處獨看松上雪紛紛

送妓人出家

揚耶伯

盡出花鈿與四鄰雲鬟剪落厭殘春暫驚風燭難
留世便是蓮花不染身貝葉欲翻迷錦字梵聲初
學悞梁塵從今艷色歸空沒湘浦應無解珮人

暮春懷感二首

戴叔倫

杜宇聲聲喚客愁故園何處此登樓落花飛絮六

春夢剩水殘山異昔游歌扇多情明月在舞衣無

語綵雲收東皇去後韶華盡老圃寒香別有秋

四十無聞嬾慢身放情丘壑任天真悠悠往事杯

中物赫赫時名外塵短策看雲松寺晚踈簾聽

雨草堂春山花水鳥皆知已百遍相過不厭貧

漢宮人入道

蕭蕭白髮出宮門羽服星冠道意存霄漢九重辭
鳳闕雲山何處訪桃源瑤池醉月勞仙夢玉輦乘
春却帝恩回首吹簫天上伴上陽花落共誰言

宮詞

紫禁迢迢宮漏鳴夜深無語獨含情春風鸞鏡愁

中影明月羊車夢裡聲塵暗玉階棋跡斷香飄金
屋篆烟青真心一任娥眉妬買賦何須問馬卿

寄司空曙

細雨柴門生遠愁向來詩句若為酬林花落處頻
中酒海燕飛時獨倚樓北郭晚晴山更遠南塘春
盡水爭流可能相別還相憶莫遣楊花笑白頭

越溪村居

年來梳客寄禪扉多話貧居在翠微黃雀數聲催
柳變清溪一路踏花歸空林野寺經過少落日深
山伴侶稀負來到家春未盡風蘿閑掃釣魚磯

贈韓道士

日暮秋風吹野花上清歸客意無涯桃源寂寂烟
霞閉天路悠悠星漢斜還笑世人生白髮定知仙
骨變黃芽東城南陌頻相見應是壺中別有家

寄劉禹錫

相園西石迳斜知君習隱暫為家有時出郭行
芳草長日臨他著落花春去能忘詩共賦客來應
是酒頻賒五年不見西山色悵望浮雲隱落霞

贈徐山人

亂餘山水半凋殘江上逢君春正闌針自指南天
宵宵星猶拱北夜漫漫漢陵帝子黃金盃晉代神
仙白玉棺回首風塵千里別故園烟雨五峯寒

送孫德諭罷官往黔州

苗發

中歲分符典石城兩朝趨陛謁承明闕下昨陳歸
老疏天南今切去鄉情親知握手三秋別几杖扶
身萬里行伯道暮年無嗣子欲將家事托門生

唐律廣選卷之三

唐律廣選卷之四

中唐

送客歸江州

韓翃

東歸復得采真遊江水迎君日夜流客舍不離青
雀舫人家舊在白鷗洲風吹山帶遙知雨露濕荷
裳已報秋聞道泉明居止近籃輿相訪會淹留

送客水路歸陝

相風竿影曉來斜渭水東流去不賒枕上未醒秦
地酒舟前已見陝人家春橋楊柳應齊葉古縣棠
梨也作花好是吾賢佳賞地行逢三月會連沙

送高別駕歸汴州

信陵門下識君偏
駿馬輕裘正少年
寒雨送歸千里外
東風沉醉百花前
身隨玉帳心應愜
官佐銅符勢又全
久客未知何計是
參差去借汶陽田

送王光輔歸青州兼寄諸侍郎

幾回奏事建章宮
聖主偏知漢將功
身著紫衣趨闕下
口銜丹詔出關東
蟬聲驛路秋山裡
草色河橋落照中
遠憶故人滄海別
當年好躍五花騾

送丹陽劉太真

長干道上落花朝
羨爾當年賞事饒
下筓已憐鷺炙美
開籠不奈鴨媒嬌
春衣晚入青楊巷
細馬初過皂莢橋
相訪不辭千里遠
西風好借木蘭橈

送冷朝陽還上元

青絲纜引木蘭船
名遂身歸拜慶年
落日澄江烏榜外
秋風踈柳白門前
橋通小市家林近
山帶平湖野寺連
別後依依寒食裡
共君携手在東田

魯中送從事歸滎陽

故園衰草帶滎波
歲晚知如君思何
輕橐歸時魯縞滿
寒衣縫處鄭綿多
萬人都督鳴笳送
百里邦君枉騎過
道路盡逢知己在
曾無對酒不高歌

送王少府歸杭州

歸州一路轉青蘋
更欲隨潮向富春
吳郡陸機稱地主
錢塘蘇小是鄉親
葛花滿地能消酒
梔子同

心好贈人早晚重過漁浦宿遙憐佳句篋中新
題仙遊觀

仙臺下見五城樓風物淒淒宿雨收山色遙連秦
樹晚砧聲近報漢宮秋疎松影落空壇靜細草香
聞小洞幽何用別尋方外去人間亦自有丹丘

宴楊駙馬山池

垂楊拂岸草茸茸繡戶簾前花影重
鑾下玉盤銀縷細酒開金甕綠醅濃
中朝駙馬何平叔南國詞人陸士龍
落日泛舟同醉處回潭百丈映千峯

題張逸人園林

花源一曲映茅堂清論閒階坐夕陽
塵尾手中毛

已脫蟹螯樽上味初香春深黃口傳窺樹
雨後青苔散點墻更道小山宜助賞呼兒
舒篔簹醉巖芳

送劉評事赴廣州使幕

征南官屬似君稀才子當今劉孝威
蠻府參軍趨傳舍交州刺史拜行衣
前臨瘴海無人過卻望衡陽少鴈飛
為報蒼梧雲影道明年早送客帆歸

送康洗馬歸滑州

腰佩雕弓漢射聲東歸銜命見雙旌
青絲玉勒康侯馬孟水金隄滑伯城
臘雪夜香宜縱飲寒蕪晝獵不妨行
懷君又隔千山遠別後春風百草生

訪王起居不遇留贈

雙龍闕下拜恩初，天子令君注起居。載筆已齊周
右史，論詩更事謝中書。行聞漏滴隨金仗，入對爐
煙侍玉除。賀客自知來獨晚，青驪不見意何如。

寄徐州鄭使君

江城五馬楚雲邊，不羨雍容畫省年。才子舊稱何
水部，使君還繼謝臨川。射堂草遍收殘雨，官路人
稀對夕天。雖卧郡齋千里隔，與君同見月初圓。

送王謏赴李太守行營

少年結客散黃金，中歲連兵掃綠林。渤海名王曾
折首，漢家諸將盡傾心。行人去指徐州近，飲馬回
看泗水深。喜見明時鍾太尉，功名一似舊淮陰。

送故人赴江陵尋庾牧

主人持節拜荆州，走馬應從一路遊。斑竹岡連山
雨暗，枇杷門向楚天秋。佳期笑把齋中酒，遠意閑
登城上樓。文體此時看又別，吾知小庾甚風流。

送長史李少府入蜀

行行獨出故關遲，南望千山無盡期。見舞巴童應
暫笑，聞歌蜀道又堪悲。孤城晚閉清江上，匹馬寒
嘶白露時。別後此心君自見，山中何事不相思。

寄上田僕射

家封薛縣異諸田，報主榮親義兩全。僕射臨戎謝
安石，大夫持憲杜延年。金裝畫出羅千騎，玉案晨

唐律四
餐直萬錢應念一身留闕下闔門遙寄魯西編

送鄭負外

風流不減杜陵時五十為郎未是遲孺子亦知名
下士樂人爭唱卷中詩身齊吏部還多醉心顧尚
書自有期要路眼者知已在不應窮巷久低眉

送田明府歸終南別業

故園此日多心賞
牕下泉流竹外雲
近館應逢沈道士
北鄰自識卜田君
離宮樹影登山見
上苑鐘聲過雪聞
相勸早移丹鳳闕
不須常戀白鷗群

長安曉望寄崔補闕

包何

迢遶山河擁帝京
參差宮殿接雲平
風吹曉漏經

長樂柳帶晴烟出
禁城天淨笙歌臨
路發日高車馬傍
塵行自憐久住
諸生列未得金閨籍姓名

和程負外春日東郊即事

郎官休浣憐遲日
野老歡娛為有年
幾處折花驚蝶夢
數家留葉待蠶眠
藤垂宛地縈珠履
泉迸侵堦浸綠錢
直待閉關朝謁去
鶯聲不散柳含烟

答竇拾遺卧病見寄

包佶

今春扶病移滄海
幾度承恩對白花
送客屢聞簾外鵲
銷愁已辨酒中蛇
瓶開枸杞懸泉水
鼎鍊芙蓉伏火砂
誤入塵埃牽吏役
羞將簿領到君家

宿廬山劉尊師

蒼蒼五老霧中壇杳杳三山洞裏觀手護崑崙象
牙簡心推霹靂棗枝盤春飛雪粉如膏潤曉漱瓊
漿不齒寒漸恨流年筋力少惟思露冕事星冠

戲贈韓判官紳鄉

李端

少尋道士居嵩嶺晚事高僧住沃州齒髮未知何
處老身名且被外人愁欲隨山水居茅洞已有田
園在虎丘獨恠子猷綠掌馬雪時不肯更乘舟

寄廬山真人

高僧無跡本難尋更得禪行去轉深青草湖中看
五老白雲山上宿雙林月明潭色澄空性夜靜猿
聲證道心更說謝公南座好烟蘿到地幾重陰

題覺公新蘭若

頭白禪師何處還獨開蘭若樹林間鬼因巫祝傳
移社神見夫人請施山猛虎聽經金磬動獼猴獻
蜜雪窓閑新齋結誓如相許願與雷宗永閉關
夜投豐德寺謁海上人

半夜中峯有磬聲偶尋樵者問山名上方月曉聞
僧語下界林疎見客行野鶴巢邊松最老毒龍潛
處水偏清願得遠公知姓字焚香洗鉢過餘生

送周長史

青楓樹裡宣城郡獨佐諸侯上板橋江客亦能傳
好信山僧多解說南朝雲陰出浦看帆小草色連

天見鴈遙別有空園落桃李知將絲組繫蘭橈
送濮陽錄事赴忠州

成名莫嘆雙旌遠空印還為一郡雄赤葉黃花隨
野岸青山白水映江楓巴人夜語孤舟裏越鳥春
啼衆壑中聞說古書多未校肯令才子久西東

題元注林園

謝家門館似山林碧石青苔滿樹陰乳鵲眇巢花
巷靜鳴鳩鼓翼竹園深桔槔轉水兼通藥方丈留
僧共聽琴獨有野人箕踞慣過君始得一長吟

宿淮浦憶司空文明

愁心一倍長離憂夜思千重戀舊遊秦地故人成

凌夢楚天涼雨在孤舟諸溪近海潮皆應獨樹邊
淮葉盡流別恨轉深何處寫前程唯有一登樓

野寺病居喜盧綸見訪

青青麥壠白雲陰古寺無人新草深乳燕拾泥依
古井鳴鳩拂羽歷花林千年駁蘚明山履萬尺垂
蘿入水心一卧漳濱今欲老誰知才子忽相尋

直中書翫月見寄

名卿步月正淹留上客裁詩怨別遊素魄近成班
女扇清光遠似庾公樓嬋娟更稱憑高望皎潔能
傳自古愁盈手入懷皆不見陽春曲麗轉誰酬

途中書事却寄李憺

盧綸

亂離無處不傷情況復看碑對古城路遠寒山人
獨去月臨秋水鴈空驚顏衰重喜歸鄉國身賤多
慚問姓名今日主人還共醉應憐世故一儒生

晚次鄂州

雲開遠見漢陽城猶是孤帆一日程估客晝眠知
浪靜舟人夜語覺潮生三湘愁鬢逢秋色萬里歸
心對月明舊業已隨征戰盡更堪江上鼓鼙聲

夜對月見寄

露如輕雨月如霜不見星河見鴈行虛暈入池波
自汎滿輪當苑桂偏香春臺幾望黃龍闕雲路寧
分白玉郎是夜巴歌應金石豈殊螢火對清光

長安疾後首秋夜即事

九重深鎖禁城秋月過南宮漸映樓紫陌夜深槐
露滴碧空雲盡火星流清風刻漏傳三殿甲第歌
鐘樂五侯楚客病來鄉思苦寂寥燈下不勝愁

長安春望

東風吹雨過青山却望千門草色閑家在夢中何
日到春生江上幾人還川原繚繞浮雲外宮闕參
差落照間誰念為儒逢世難獨將衰鬢客秦關

送靜居法師

五色香幢重復重寶輿昇座發神鐘簷蔔名花飄
不斷醍醐法味洒何濃九天論道當宸眷七祖傳

唐律四
心合聖蹤願比靈山前世別多生還得此相逢

送楊皞東歸

登樓掩泣話歸期
楚樹荆雲發遠思
日裏揚帆聞戍鼓
舟中酌酒見山祠
西江風浪何時盡
北客書書欲寄誰
若說滄城老司馬
知君望國有新詩

冬夜贈別友人

愁聽千家流水聲
相思獨向月中行
侵階暗草寒霜重
遍郭寒山夜月明
連年客舍唯多病
數畝田園又廢耕
更送乘軺歸上國
應憐禹貢未成名

酬暢當尋嵩嶽麻道士見寄

聞逐樵夫閑看棋
忽逢人世是秦時
開雲種玉媵

山淺渡海傳書恠
鶴遲陰洞石幢微
有字古壇松樹半
無枝煩君遠示青囊錄
願得相從一問師

酬它郎中覽卷後見寄

令伯支離晚讀書
豈知詞賦稱相如
枉逢花木無新思
拙憶谿潭損舊居
禁路看山歌自緩
雲司玩月漏應疎
沈憂敢望金門召
空媿巴歛並子虛

和陳翔拜本府小尹兼侍御史

金印垂鞍白馬肥
不同疏廣老方歸
三千士裏文章伯
四十年来錦繡衣
節比青松當澗直
心隨黃雀繞簷飛
鄉中賀者唯爭路
不識傳呼獬豸威

酬李端公野寺病居見寄

野寺昏鐘山正陰
亂藤高竹水聲深
田夫就餉還依草
野雉驚飛不過林
齋浴暫思同靜室
清羸已覺助禪心
寂寞日長誰問疾
料君唯取古方尋

送崔琦赴宣州幕

五馬臨流待幕賓
羨君談笑出風塵
身閑就養寧辭遠
世難移家莫厭貧
天際曉山三峽路
津頭曠市九江人
何處遙知最惆悵
滿湖青草鴈聲春

送信州姚使君

朱轡徐轉擁群官
猿鳥無聲郡宇寬
楚國上腴收賦重
漢家良牧得人難
銅鈛滿穴山能富
鴻鴈連羣地亦寒
幾日政聲聞外戶
九江行旅得相歡

和王貞外冬夜寓直

高步長裾錦帳郎
居然自是漢賢良
潘岳叙年因鬢髮
揚雄託諫在文章
九天韶樂飄寒月
萬戶香塵裊曉霜
坐見重門儼朝騎
可憐雲路好翱翔

送李尚書郎君昆季歸觀滑州

鳳雛聯翼義王孫
綵服戎裝擬塞垣
金鼎對筵調野膳
玉鞭齊騎引行軒
冰河一曲旌旗滿
墨詔千峯雨露繁
更說務農將罷戰
敢持歌詠慶晨昏

洛陽早春憶吉中孚司空曙因寄清江上人
值迥逢高駐馬頻
雪晴閑看洛陽春
鶯聲報遠同芳信
柳色邀歡似故人
酒貌昔將花共豔
鬢毛今

與草爭新年來百事皆無緒
唯與湯師結淨因
送王尊師歸湖州
司空曙

烟蕪滿洞青山遶
幢節飄空紫鳳飛
金闕乍看迎日麗
玉簫遙聽隔花微
多開石髓供調膳
時御覽裳奉易衣
莫學遼東華表上
千年始欲一迴歸

早夏寄元校書

獨遊野徑送芳菲
高竹林居接翠微
綠岸草深虫入徧
青叢花盡蝶來稀
珠荷薦果香寒簟
玉柄搖風滿夏衣
蓬華永無車馬到
更當齋夜憶玄暉

南原望漢宮

荒原空有漢宮名
衰草茫茫雉堞平
連鴈下時秋

水在行人過盡暮烟生
西陵歌吹何年絕
南陌登臨此日情
故事悠悠不可問
寒禽野水自縱橫

酬張芬赦後見贈

紫鳳朝銜五色書
陽春忽布網羅除
已將心變寒灰後
豈料光生腐草餘
建水風烟收客淚
杜陵花竹夢郊居
勞君故有詩相贈
欲報瓊瑤愧不如

酬李端校書見贈

綠槐垂穗乳烏飛
忽憶山中獨未歸
青鏡流年看髮變
白雲芳草與心違
乍逢酒客春遊慣
久別林僧夜坐稀
昨日聞君到城闕
莫將簪弁勝荷衣

送曲山人之衡州

白石先生眉髮光已分甜雪飲紅漿衣巾半染烟
霞氣語笑兼和藥草香茅洞玉聲流暗水衡山碧
色映朝陽千年城郭如相問華表峩峩夜有霜

贈衡岳隱禪師

擁榻安居南嶽頭白雲高寺見衡州石窓湖水搖
寒月楓樹猿聲報夜秋講席舊逢山鳥至梵經初
向竺僧求自知身老將傳法因下人間遂此遊

送友人遊江南

耿漳

遠別悠悠白髮新江潭何處是通津潮聲偏懼初
來客海味唯甘久住人漠漠煙光前浦晚青青草
色定山春汀洲更有南回鴈亂起聯翩北向秦

朝下寄韓舍人

侍臣鳴珮出西曹鸞殿分階翊綵旄瑞氣迴浮青
玉案日華遙上赤霜袍花間熠燿雲旗合鳥外亭
亭露掌高肯念萬年芳樹裡隨風一葉在蓬蒿

宿萬固寺寄嚴補闕

晚隨樵客到青冥因禮山僧宿化城鐘梵已休初
入定有無皆離本難名雲開半夜千林靜月上中
峯萬壑明為報故人雷處士塵心終日自勞生

上將行

蕭關掃定犬羊羣閉閣層城白日曛櫪上驂騮嘶
鼓角門前老将識風雲旌旗四面寒山映絲管千

家靜夜聞誰道古來多計策功成唯有衛將軍

贈別劉貞外長卿

清如寒玉直如絲世故多虞事莫期建德津亭人
別夜新安江水月明時為文易老皆知苦諫宦無
名倍足悲不學朱雲能折檻空羞獻納在丹墀

塞上曲

慣習干戈事鞍馬初從少小在邊城身微久屬千
夫長家遠多親五郡兵懶說疆場曾大獲且悲年
鬢老長征塞鴻過盡殘陽裡樓上淒淒暮角聲

同李端春望

二毛羈旅尚迷津萬井鶯花雨後春宮闕參差當

晚日山河迢遞靜纖塵和風醉裏承恩客芳草歸
時失意人南北東西各自去年年依舊物華新

發綿津驛

孤舟北去暮心傷細雨東風春草長杳杳短亭分
水陸隆隆遠鼓集漁商千叢野竹連湘浦一派寒
江下吉陽欲問長安今遠近初年塞鴈有歸行

寄嚴八判官

劉方平

洛陽新月動秋砧瀚海沙塲天半陰出塞能全仲
叔策安親更切老萊心漢家宮裏風雲曉羌笛聲
中雨雪深懷袖未傳三歲字相思空作隴頭吟

秋夜寄皇甫冉鄭豐

洛陽清夜白雲歸城裏長河列宿稀秋後見飛千里鴈月中聞擣萬家衣長憐西雍青門道久別東吳黃鵠磯借問客書何所寄同心不啻兩鄉違

越中送王使君赴江華

崔峒

皂蓋春風自越溪獨尋芳草桂陽西遠水浮雲隨馬去空山弱篠向雲低遙知異政荆門比舊許新詩康樂齊萬里相思在何處九疑殘雪白猿啼

處州見鄭表新詩因以寄贈

梅花嶺裏見新詩感激情深過楚詞平子四愁今莫比休文八詠自同時萍鄉露冕真堪惜鳳詔鳴珂已訝遲才子風流定難見湖南春草但相思

贈竇十九

靈臺暮宿意多違木落花開羨客歸江海幾時傳錦字風塵不覺化緇衣山陽會裡同人少灞曲農時故老稀幸得漢皇容直諫憐君未遇覺人非

贈元秘書

舊書稍稍出風塵孤客逢秋感此身秦地認為門下客淮陰徒笑市中也聞桂籍尋常醉見說陳平不久貧幸有故人茅屋在更將心事問情親

送馮將軍奏事畢歸滑臺

王門別後到滄洲帝里相逢俱白頭自歎馬卿常帶疾還嗟李廣不封侯棠梨宮裏瞻龍袞細柳營

中看虎裘想到滑臺桑葉落黃河東注杏園秋
贈同官李明府

訟堂寂寂對烟霞五柳門前聚曉鴉流水聲中視
公事寒山影裏見人家觀風競羨新為政計日還
知舊觸邪可惜陶潛無限酒不逢籬菊正開花
送韋少府判官歸東京

玄成世業紫真官文似相如貌勝潘鴻鴈南飛人
獨去雲山一別歲將闌清淮水急桑林晚古驛霜
多柿葉寒瓊樹相思何日見銀鈎數字莫為難
寄蘇州韋使君魚呈吳縣李明府

數年湖上謝浮名竹杖紗巾遂性情雲外有時逢

寺宿日西無事傍江行陶潛縣裡看花發庾亮樓
中對月明誰念獻書來萬里君王深在九重城

夏夜宿表兄宅話舊

竇叔向

夜合花開香滿庭夜深微雨醉初醒遠書珍重何
曾達舊事淒涼不可聽去日兒童皆老大昔年親
友半凋零明朝又是孤舟別愁見河橋酒幔青

九日登高

嚴維

詩家九日憐芳菊逐客高齋瞰浙江漁浦浪花搖
素壁西陵樹色入秋窓木奴向熟懸金實桑落新
開瀉玉缸四子醉時爭講德笑論黃灞屈為邦

題茅山李尊師所居

天師百歲少如童不到山中更不逢洗藥每臨新
瀑水步虛時遶最高峯籬根五月留殘雪座右千
年蔭古松此去人寰知近遠回看路隔一重重

送崔峒使睦州兼寄薛司戶

如今相府用英髦獨往南州肯告勞冰水近開漁
浦出雪雲初捲定山高木奴花映桐廬縣青雀舟
隨白鷺濤使者應復訪廉吏府中唯有范功曹

送薛居士和州讀書

孤雲獨鶴共悠悠萬卷經書一葉舟楚地巢城民
舍少烟村社樹鷺湖秋蒿萊織妾晨炊黍隅地耕
童夕放牛年少不應辭苦節諸生喜遇一封侯

上湖南崔中丞

戎昱

山上青松陌上塵雲泥豈合得相親世路盡艱良
馬瘦唯君不棄卧龍貧千金未必能移姓一諾從
來許殺身莫道書生無感激寸心還是報恩人

上李常侍

旌旗曉過大江西七郡前驅萬隊齊千里政成人
共喜三軍令肅馬前嘶恩沾境內風初變春入城
陰柳漸低桃李不須今更種早知門下舊成蹊

江城秋霽

霽後江城風景涼豈堪登眺只堪傷遠天蟬竦收
殘雨淺水鷗鷺近夕陽萬事無成空過日十年多

難未還鄉不知何處消茲恨轉覺愁隨夜夜長

陸滕宅秋雨中探韻

張南史

同人永日自相將深竹間園偶辟疆已被秋風教
憶膾更聞寒雨勸飛觴歸心莫問三江水旅服從
露九月霜醉裏欲尋騎馬路蕭條幾處有垂楊

秋夜聞鴈寄南十五兼和空上人

晚節聞君趣道深結茅栽樹近東林禪師幾度曾
摩頂高士何年更發心北渚三更聞過鴈西城萬
木動寒砧不見支公與玄度相思擁膝坐長吟

送李司直歸浙幕兼寄鮑將軍 朱長文

翩翩書記早曾聞二十年來願見君今日朝廷傷

白髮同時幾許在青雲人從北固山邊去水到西
陵渡口分會作王門曳裾客為余前謝鮑將軍

會稽郡樓雪霽

張繼

江城昨夜雪如花郢客登樓望霽華夏禹壇前仍
聚玉西施浦上更飛沙簾櫳向晚寒風度睥睨初
晴落景斜數處微明銷不盡湖山青映越人家

送賈校書東歸寄振上人

李益

北風吹鴈數聲悲况指前林是別時秋草不堪頻
送遠白雲何處更相期山隨匹馬行看暮路入寒
城獨去遲為問東州故人道江淹已擬惠休詩

同崔郊登鶴雀樓

鶴雀樓西百尺牆汀洲雲樹共茫茫漢家蕭鼓空
流水魏國山河半夕陽事去千年猶恨速愁來一
日即為長風烟併是思歸望遠目非春亦自傷

奉酬崔貞外副使携琴宿使院見示

忽聞此夜携琴宿遂歎常時塵吏喧庭木已衰空
月亮城砧自急對霜繁猶持副節留軍府未薦高
詞直掖垣誰問南飛長繞樹官微同在謝公門

鹽州過胡兒飲馬泉

綠楊著水草如煙舊是胡兒飲馬泉幾處吹笳明
月夜何人倚劍白雲天從來凍合關山路今日分
流漢使前莫使行人照容鬢恐驚憔悴入新年

哭李端

周朴

三年剪拂感知音哭向青山永夜心竹在曉烟孤
鳳去劍荒秋水一龍沉新墳日落松聲小舊宅春
殘草色深不及此時親執紼石門遙想淚沾襟

醉後寄山中友人

于鵠

昨日山家春酒濃野人相勸久從容獨憶卸冠眠
細草不知誰送出深松都忘醉後逢廡度不省歸
時見魯恭知己尚嫌身酩酊路人應恐笑龍鍾

送宮人入道

十五吹簫入漢宮看修水殿種芙蓉自傷白髮辭
金屋許著黃冠向雪峯解語老猿開曉戶學飛雛

鶴落高松定知別後宮中伴遙聽緱山半夜鐘

公子行

少年初拜大長秋半醉垂鞭見列侯馬上抱鷄三
市闔袖中攜劍五陵遊玉簫金管迎歸院錦袖紅
裝擁上樓更向苑西新買宅月波春水入門流

慈恩寺塔

盧宗回

東方曉日上翔鸞西轉蒼龍拂露盤渭水冷光搖
藻井玉峯晴色墜攔干九重宮闕參差見百二山
河表裏觀暫輟去蓬悲不定一凭金界望長安

題鴈塔

許玫

寶輪金地壓人寰獨坐蒼冥啓玉關北嶺風烟開

魏闕南山氣象鎖商顏灞陵車馬垂楊裏京國城
池落照間暫放塵心遊物外六街鐘鼓又催還

尋隱者韋九山人東溪草堂

朱灣

尋得仙源訪隱淪漸來深處漸無塵初行竹裏唯
通馬直到花間始見人四面雲山誰作主數家烟
火自為鄰路傍樵客何須問朝市如今不是秦

寒食寄崔七

閑庭只是長莓苔三徑曾無車馬來旅館尚愁寒
食火羈心嬾向不燃灰門前下客雖彈鋏溪畔窮
魚且曝鰓他日趨庭因問禮復言陋巷有顏回

過宣上人湖上蘭若

十年湖上結幽期偏向東林遇遠師未道姓名童子識不酬言語上人知閑花落地滋苔徑細雨和烟着柳枝問我別來何所得解將無事當無為

同達奚宰遊寶子明仙壇

松檜陰深一徑微中峯石室到人稀仙官不住青山在故老相傳白日飛華表問裁何歲木片雲留著去時衣今朝茂宰尋真處暫駐雙鳧且莫歸

平陵寓居再逢寒食

幾迴江上泣途窮每遇良辰歎轉蓬火燧知從新節變灰心還與故人同莫聽黃鳥愁帝處自有花開久客中貧病固應無撓事但將懷抱醉春風

覽外生盧綸詩因以示此

韋渠牟

衛玠清談性最強明時獨拜正負郎關心珠玉曾無價滿手瓊瑤更有光謀略久參花府盛才名常帶粉闈香終期內殿聯詩句共汝朝天會栢梁

哭張十八校書

權德輿

芸閣為郎一命初桐州寄傲十年餘魂隨逝水居何處名在新詩衆不如蹉跎江浦生華髮牢落寒原會素車更憶八行前日到舍悽為報秣陵書

符漏倣寐夢歸江東寄惠閣黎茅處士

十年江浦卧郊園閑夜分明結夢魂舍下烟蘿通古寺湖中雲雨到前軒南宗長老知心法東郭先

生識化源覺後忽聞清漏曉又隨簪珮入君門

和殷負外早秋省直寄荆南衛端公

共嗟王粲滯荆州才子為郎憶舊遊涼夜偏宜粉
署直清言遠待玉人酬風生北渚烟波濶露下南
宮星漢秋早晚得為同舍旅知君兩地結離憂

田家即事

閑卧藜林對落暉翛然便覺世情非漠漠稻花資
旅食青青荷葉製儒衣山僧相勸期中飯漁父同
游或夜歸待學尚平婚嫁畢渚烟溪月共忘機

送張閣老中丞持節冊吊回鶻

旌旆翩翩擁漢官君行當得遠人歡分職南臺知

禮重綴書東觀見才難金章玉節鳴騶遠白草黃
雲出塞寒欲散別離唯有酒暫煩賓從駐征鞍

酬宣上人見贈因懷紫閣舊遊 鄭綯

中年偶逐鴛鸞侶弱歲多從麋鹿羣紫閣道流今
不見紅樓禪客早曾聞松齋月朗星初散苔砌霜
繁夜欲分一覽綠牋佳句滿何人更詠惠休文

郡齋感物寄長安親友 羊士諤

晴天春意浩無窮過鵬江樓日日風瓊樹花香故
人別蘭卮酒色去年同閑吟鈴閣巴歌裡回首神
臯瑞氣中自愧朝衣猶在篋歸來應作白頭翁
游郭駙馬大安山池

唐律四
馬嘶芳草自淹留別館何人屬細侯紅杏破顏逢
醉客綠鴛鴦飛去避行舟洞簫日緩移賓榻垂柳風
多掩伎樓坐閱清暉不知暮烟橫北渚水悠悠

獨孤侍御見寄四韻逮此酬答

百雉層城上將壇列營西照雪峯寒文章立事須
銘鼎談笑論功恥據鞍草檄清油推健筆曳裾黃
閣聳危冠雙金未比三千字負弩空慙知者難

春日朝罷呈臺中僚友

退食鷄行振羽儀九霄雙闕迥參差雲披綵仗春
風度日暖香增晝刻移玉樹籠烟鳩鵲觀石渠流
水鳳凰池時清執法慚無事未有長楊漢主知

寒食日次松滋渡寄劉貞外

竇常

杏花榆莢曉風前雲際離離上峽船江轉數程淹
驛騎楚曾三戶少人烟看春又遇清明節美老重
經癸巳年幸得住山當郡舍在朝常咏卜居篇

清明登城春望寄大夫使君

王表

春城閑望愛晴天何處風光不眼前寒食花開千
樹雪清明日出萬家烟興來促席唯同舍醉後狂
歌盡少年聞說鶯啼却惆悵詩成不見謝臨川

同樂天送河南馮尹學士之任

劉禹錫

可憐五馬風流地暫綴金貂侍從才閣上掩書劉
向去門前修刺孔融來嶠陵路靜寒無雨洛水橋

長晝起雷却羨府中棠隸好先於城外百花開
衢州徐負外遺以縞紵燕竹紙箱

爛柯山下舊仙郎列宿來添婺女光遠放歌聲分
白紵知傳家學與青箱水朝滄海何時去蘭在幽
林亦自芳聞說天台有遺愛人將琪樹比甘棠

秋日過法師院送歸江陵

黔江秋水浸雲霓獨泛慈航路不迷猿狖窺齋林
葉動蛟龍聞吼浪花低如蓮半偈心常悟問菊新
詩手自攜常記摩圍似靈鷲却將山屐上丹梯

送景玄師東歸

東林寺裏一沙彌心愛當時才子詩山下偶隨流

水出秋來却赴白雲期灘頭躡屐挑沙菜路上停
舟讀古碑想到舊房飛錫杖小松應有過簷枝

廣宣上人與韋令公唱和因以手札示之

碧雲佳句久傳芳曾向成都住草堂振錫常過長
者宅披衣猶帶令公香一時風景添詩思八部人
天入道場若許相期同結舍吾家本自近柴桑

送浙江李僕射赴鎮

建節東來是舊遊歡聲喜氣滿吳州郡人重得黃
丞相童子爭迎郭細侯詔下初筵温室樹夢中先
到景陽樓自憐不識平津閣遙望旌旗汝水頭

送李尚書鎮滑州

唐律四
二十三
南徐報政入文昌東郡領才別建章視草名高同
蜀客擁旄年少勝周郎黃河一曲當城下緹騎千
重照路傍自古相門還出相如今人望在巖廊

述舊賀遷寄陝虢孫常侍

南宮華萼芝蘭後左輔曾交紫綬來多病未離清
樂花新息已歷望仙臺關頭古墓桃林靜城下長
河竹箭回聞說隨車有零雨此時偏動子荆才

送源中丞充新羅冊使

相門才子稱華簪持節東行捧德音身帶霜威辭
鳳闕口傳天語到雞林烟開鰲背千尋碧日浴鯨
波萬頃金想見扶桑受恩愛一時西拜盡傾心

送鄞州李郎中赴任

楚門鄞水路非賒東望雲山日夕佳薤葉照人呈
夏簟松花滿盃試新茶樓中飲興因明月江上詩
情為晚霞此地交親長引領早將玄鬢到京華

送渾大夫赴豐州

鳳銜新詔降恩華又見旌旗出漢家故吏來辭辛
屬國精兵願逐李輕車羶裘君長迎風馭錦帶酋
豪踏雪衙其奈明年好春日無人喚看牡丹花
哭呂衡州時予方謫居

一夜霜風凋玉蕊蒼生望絕士林悲空懷濟世安
人略不見男婚女嫁時遺草一函歸太史孤墳三

尺近要離朔方徒歲行當滿欲為君刊第二碑

贈日本僧智藏

浮杯萬里過滄溟遍禮名山適性靈深夜降龍潭
水黑新秋放鶴野田青身無彼我那懷土心會真
如不讀經為問中華學道者幾人雄猛得寧馨

送處厚八關遊蜀謁韋令公

洛陽秋日正淒淒君去西秦更向西舊學三冬今
轉富曾傷六翮養初齊王城曉日窺丹鳳蜀路晴
天見碧雞早識卧龍應有分不妨從此躡丹梯

送陳郎中祗召直史館重脩三聖實錄

蟬鳴宮樹引行車言自成周赴玉除遠取南朝貴

公子重脩東觀帝皇書常時載筆窺金匱暇日登
樓到石渠若問舊人劉子政如今白首在南徐

送令狐博士赴興元覲省

相門才子高陽族臺省清貧五品官諫院過時榮
棣萼謝庭歸去踏芝蘭山頭花帶烟霞晚棧底江
涵雪水寒伯仲到家人盡賀柳營蓮府遞相歡

早春對雪奉寄澧州元郎中

新賜魚書墨未乾賢人暫出遠人安朝駟旌旆行
時令夜見星辰憶舊官梅蘂覆堦鈴閣暖雪峯當
戶戟枝寒寧知楚客思公子北望長吟澧有蘭

松磁洞望峽中

唐律四
二十一
渡頭輕雨洒寒梅雲際溶溶雪水來夢渚草長迷
楚望夷陵土黑有秦灰巴人淚應猿聲落蜀客船
從鳥道回十二碧峯何處所永安宮外是荒臺

西塞山懷古

王濬樓船下益州金陵王氣漠然收千尋鐵鎖沉
江底一片降旗出石頭人世幾回傷往事山形依
舊枕寒流今逢四海為家日故壘蕭蕭蘆荻秋

荊州道懷古

南國山川舊帝畿宋臺梁館尚依稀馬嘶古道行
人歇麥秀空城野雉飛風吹落葉填空井火入荒
原化寶衣徒使詞臣庾開府咸陽終日苦思歸

登柳州城樓寄漳汀封連四州

柳宗元

城上高樓接太荒海天愁思正茫茫驚風亂颭芙蓉水密雨斜侵薛荔牆嶺樹重遮千里目江流曲
似九迴腸共來百越文身地猶自音書滯一鄉

同劉二十八哭呂衡州兼寄江陵李元二侍御
衡岳新摧天柱峯士林顛瀕泣相逢祇令文字傳
青簡不使功名上景鐘三畝空留懸磬室九原猶
寄若堂封遙想荊州人物論幾回中夜惜元龍
得廬州衡書因以詩寄

臨蒸且莫歎炎方為報秋來鴈幾行林邑東迴山
似戟并剡南下水如湯薰葭淅瀝含秋霧橘柚玲

瓏透夕陽同是白蘋洲
畔客還將遠意問瀟湘
嶺南江行

瘴江南去八雲煙
望盡黃茅是海邊
山腹雨晴添象跡
潭心日暖長蛟涎
射工巧伺遊人影
颺毋偏驚旅客船
從此憂來非一事
豈容華髮待流年

衡陽與夢得分路贈別

十年顛顛到秦京
誰料翻為嶺外行
伏波故道風烟在
翁仲遺墟草樹平
直以慵疎招物議
休將文字占時名
今朝不用臨河別
垂淚千行便濯纓

再授連州至衡陽贈別

去國十年同赴召
湘江千里又分歧
重臨事異黃

丞相三黜名慙柳
士師遠目併隨迴
鴈盡愁腸正
遇斷猿時挂江東
過連山下相望長
吟有所思

柳州寄周韶州

越絕孤城千萬峯
空齋不語坐高春
印文生綠經旬合
硯匣留塵盡日封
梅嶺寒烟歲
翡翠挂江秋水露
鱖鱠丈人本自忘
機事為想年來
憔悴容

楊尚書寄柳筆合
更商權使盡其功
輒獻長句

截玉銛錐作妙形
貯雲含霧到南溟
尚書舊用裁天詔
內史新將寫道經
曲藝豈能禪指益
微辭祇欲播芳馨
桂陽卿月光輝徧
毫末應傳顧兔靈

柳州城西隅種甘樹

手種黃甘二百株
春來新葉徧城隅
方同楚客憐皇樹
不學荊州利木奴
幾歲開花聞噴雪
何人摘實見垂珠
若教坐待成林日
滋味還堪養老夫

柳州峒氓

郡城南下接通津
異服殊音不可親
青箬裹鹽歸峒客
綠荷包飯趁虛人
鵝毛禦臘縫山罽
雞骨占年拜
水神愁向公庭問
重譯欲投章甫作
文身

別舍弟宗一

零落殘魂倍黯然
雙垂別淚越江邊
一身去國六千里
萬死投荒十二年
桂嶺瘴來雲似墨
洞庭春

盡水如天欲知此後相思夢
長在荆門郢樹烟

送崔中丞過盧少府郊居

寓居湘岸四無隣
世網難嬰每自珍
時藥閑庭迎國老
開樽虛室值賢人
泉迴淺石依高柳
徑轉垂藤間綠筠
聞道偏為五禽戲
出門鷗鳥更相親

答張功曹

韓愈

山淨江空水見沙
哀猿啼處兩三家
貧簞當競長纖織
筍蠲蠲閑開艷艷花
未報恩波知死所
莫令炎瘴送生涯
吟君詩罷看雙鬢
陡覺霜毛一半加

次鄧州界

潮陽南去倍長沙
戀閣那堪又憶家
心訝愁來惟

唐律四
貯火眼知別後自添花商顏暮雪逢人少鄧鄩春
泥見驛賒早晚王師收海嶽普將雷雨發萌芽

左遷至藍關示姪孫湘

一封朝奏九重天夕貶潮陽路八千欲為聖明除
弊事肯將衰朽惜殘年雲橫秦嶺家何在雪擁藍
關馬不前知汝遠來應有意好收吾骨瘴江邊

量移袁州張韶州以詩相賀因酬之

明時遠逐事何如遇赦移官罪未除北望詎令隨
塞鴈南遷纔免葬江魚將經貴郡煩留客先惠高
文謝起予暫欲繫船韶石下上賓虞舜整冠裾

晉公破賊回重拜台司以詩示幕中

南伐旋師太華東天書夜到冊元功將軍舊歷三
司貴相國新兼五等崇鸚鵡欲歸仙仗裏熊羆還
入禁營中長懸典午非材賦得就閑官即至公

奉和庫部盧四兄曹長元日朝迴

天仗宵嚴建羽旄春雲送色曉雞號金爐香動螭
頭暗玉珮聲來雉尾高戎服上趨承北極儒冠列
侍映東曹太平時節難身遇郎署何須歎二毛

酬于駙馬

揚巨源

芳時碧落心應斷今日清詞事不同瑤草秋殘仙
圃在綵雲天遠鳳樓空晴花暖送金羈影涼葉寒
生玉輦風長得聞詩權自足會看春露濕蘭叢

贈張將軍

關西諸將揖容光獨立營門劍有霜知愛魯連歸
海上肯令王翦在平陽天晴紅幟當山滿日暮清
笳入塞長年少功高人最羨漢壇烟樹月蒼蒼

送章孝標校書歸杭州因寄白舍人

曾過靈隱江邊寺獨宿東樓看海門潮色銀河鋪
碧落日光金柱出紅盆不妨公事資高卧無限詩
情要細論若訪郡人徐孺子應須騎馬到沙村

送裴中丞出使

一清淮甸假朝綱金印初迎細柳黃辭闕天威和
雨露出關春色避風霜龍韜何必陳三略虎旅由

來肅萬方宣諭生靈真重任回軒應問石渠郎

荆帥

武元衡

金貂再入三公府錦帳連封萬戶侯簾捲青山巫
峽曉雲凝碧樹渚宮秋劉琨坐笑風生苑謝朓裁
詩月浦樓白雪調高歌不得羨人南國翠蛾愁

經河源軍漢村作

呂溫

行行忽到舊河源城外千家作漢村樵採未侵征
虜墓耕耘猶就破菑屯金湯天險長全設伏臘華
風亦暗存暫駐單車空下浚有心無力復何言

送友人及第歸江東

陳羽

五陵春色泛花枝心醉花前遠別離落第恥為關

上客成名空羨里中兒都門兩歇愁分處山店燈
殘夢到時家住洞庭多釣伴因來相賀話相思

送唐大夫寵節歸山

王建

年少平羗先學仙表求骸骨乞生全不堪腰下懸
金印已向雲西寄玉田旌節抱歸官路上公卿送
到國門前人間雞犬同時去遙望笙歌隔水烟

贈李愬僕射

唐州將士死生同盡逐雙旌舊鎮空獨破淮西功
業大新除隴右世家雄知時每笑論兵法識勢還
輕立戰功次第各分茅土貴殊勲併在一門中

贈王樞密

三朝行坐鎮相隨今上春宮見長時脫下御衣先
賜着進來龍馬每教騎長承密旨歸家少獨奏邊
機出殿遲不是大家頻向說九重爭得外人知

贈田將軍

初從學院別先生便領偏師得戰名大小獨當三
百陣縱橫祇用五千兵迴殘匹帛歸天庫分好旌
旗入禁營自執金吾長上直蓬萊宮裏夜巡更

上陽宮

上陽花木不曾秋洛水穿宮處處流畫閣紅樓宮
女笑玉簫金管路人愁幔城入澗橙花發玉輦登
山桂葉稠曾讀列仙王母傳九天未勝此中游

華清宮感舊

塵到朝元邊使急千官夜發六龍迴輦前月照羅
衫淚馬上風吹臈燭灰公主粧樓金鎖澀貴妃湯
殿玉池開有時雲外聞天樂知是先皇沐浴來

春日五門西望

百官朝下五門西塵起春風滿御堤黃柏蓋鞍呈
了馬紅羅繫頸鬪迴鷄館松枝重墻頭出渠柳條
長水面齊唯有教坊南草色古城陰處冷淒淒


和鄭中丞登龍興寺閣

歐陽詹

青窓朱戶半天開極目凝神望幾迴晉國頽墉生
草樹皇家瑞氣在樓臺千條水入黃河去萬點山

後紫塞來獨恨侍遊違長者不知高意是誰陪

唐律廣選卷之四

The right page of the manuscript is also made of aged paper and features a prominent grid structure. It has a double-line border enclosing the page. Inside this border, there are several vertical lines that create a series of columns. The paper is yellowed and has several dark spots, similar to the left page. The overall appearance is that of an old, possibly blank or sparsely written ledger or account book page.

大清律例

三十三卷

